

NAZ.

III

Manuale di...
LVI

7

41.

B 10.29

BIBLIOTECA NAZ
Vittorio Emanuele III


LVI

F

41

NAPOLI





ERYCI PVTEANI
PVRPURA
AVSTRIACA
HIEROBASILICA,
SACRAM ET REGIAM
SERENISSIMI PRINCIPIS
FERDINANDI,
HISPANIARVM INFANTIS,
S. R. E. CARDINALIS,
IMAGINEM

COLORE PANEGRICO REPRESENTANS.



ANTVERPIÆ,
TYPIS IOANNIS CNOBBARI,

MDCCXXXV.

Cum Regum Catholici & Christianissimi Privilegiis.



SERENISSIMO PRINCIPI

F E R D I N A N D O

HISPANIARVM INFANTI,

S. R. E. CARDINALI,

ÆTATE FLORIDO, VIRTUTE MATURO,

GLORIA ÆTERNO,

PER HOSTES EVNTI, VT VINCERET;

AD SVOS VENIENTI, VT TRIUMPHARET,

PVRPVRAM AVSTRIACAM,

ET IN PVRPVRA

SACRÆ REGIÆQ; SERENITATIS IMAGINEM

ERYCIVS PYTEANVS

STRENÆ LOCO OFFERT,

DEVM OPT. MAX. VENERANS,

VT A NOVO ANNO FELIX IMPERIVM,

A NOVO SOLE SOLATIA NOCTIS,

INCREMENTA LVCIS,

ORNAMENTA TEMPORIS EXSVRGANT.

PVRPVRAE TYPVS,

Herculis & Tyri fabulâ

DESIGNATVS.

HERCVLES AD TYRVM, amatam sibi Nympham accedens, Heroum more, viæ comitem canem habuit. Is perlittus discurrens, irrepentem scopulo *Purpuram* vidit, apprehendit, ac demorsâ carunculâ, sua sibi labra *cruore Puniceo* infecit. TYRVS in-
sueti colore delectata, talem ab Hercule vestem, in pignus & pretium amoris petiit. Morem ille gerens, & inter labores suavissimum hunc ratus, Concham quærit, succum exprimit, lanam imbuit, & Regio munere puellam donans, amare se professus est.

HERCVLEM VIDES ? HIC PHILIPPVS EST:

TYRVM VIDES ? HÆC BELGICA EST:

PVRPVRA VIDES ? SIC BELGICA REGITVR.

HOC CAPITVR *Virgo* PRETIO, *sit Purpura*
munus:

Exuviae placeant, *munus amoris erunt.*

HOC

HOC CAPITVR PRETIO.



VNUM QAE POPVLVM FACABIT PURPURA MYNDVM.
FATA TYRI REDEVNT, AVREVS ORBIS ERIT.

IN IMAGINEM
HERCVLIS ET TYRI

O D E,

Purpuræ Ἰμύθιον explicans.

AMORE flagrans HERCVLES TYRI, suo
Accendit igne *Purpuram,*
Quam repperit, suaq³ amorem Purpurâ.

Insigne Regibus datum.

*Sed Nympha postquàm sanguinis miraculum
Vidit moloßi florido*

*Latrantis ore (more quem prisco HERCVLES
Ducebat affeclam via,)*

In penulam coloris ignem postulat.

HOC *lata* CAPITVR MVNERE :

*Hoc vindicatum rursus Orbem Heros capit,
Et vindicati gloriam.*

*Quid maximus PHILIPPVS, alter HERCVLES?
Amore flagrans BELGICÆ,*

Vni

Vni dat Orbis *Purpuram* Provincia,
Qua fata versat omnium,
Alumna belli, pacis artibus potens,
Et gloria compendium.
In *Regis* hac vidit Oratoribus,
Quantum sagacitas queat,
Quantum ministrâ luce radians *Purpura*,
Et *Purpurata* auctoritas.
Vidit minorem bis Virago *Purpuram*;
Majore digna ter fuit,
ALBERTI, & inde *FERDINANDI Purpurâ*,
Quos inter *ANDREAS* fuit.
Agit PHILIPPVS, HERCVLES quod egerat;
Sed sapius, sapius amans.
Alter TYRVM ornat, ornat alter BELGICAM,
Voti^q₃ compotem facit.
Fratrem PHILIPPVS unicum mittit suum,
Sacram^q₃ fratris *Purpuram*:
Praesens suam gubernat ipse BELGICAM,
Sed *FERDINANDI Purpurâ*.

V A R I A
P V R P V R Æ

S I G N I F I C A T I O.

PVRPURA, qua & Pelagia, & Blatta dicitur, proprie concha est, siue piscis, testâ turbinatâ munitus, à quo murex, buccinum, conchylum differunt. Deinde, sanguis concha, sanies, flos, succus, ostrum, atque ipsa tinctura; per excellentiam, à loco Tyria, ab artificio Dibapha; cocco, siue quisquilio, atque fuco splendidior. Præterea, vestis, qua Regum est; vel eorum exemplo in Trabeis Roma, Prætextis, & Latoclauro adumbrata. Denique ipsa dignitas, olim Regia, nunc etiam Sacra, ad alios paulatim ordines, siue pacis, siue belli translata.

CANTIC. CAP. VII.

Coma Capitis tui sicut PURPURA.

ERY.

ERYCI PVTEANI
 PVRPURA
 AVSTRIACA
 HIEROBASILICA,
 SACRAM ET REGIAM
 SERENISSIMI PRINCIPIS
 FERDINANDI,

Hispaniarum Infantis, S. R. E. Cardinalis,

IMAGINEM colore Panegyrico REPRESENTANS.



NOVAM adoro PVRPV-
 RAM, pietate Sacram,
 potestate Regiam;
 quam ut maximo
 exprimam titulo, AVSTRIACAM
 appello. Serenissima hæc san-
 guinis ac virtutis Insignia sunt,
 Eminentissima ordinis ac dig-
 nitatis: tua sunt, FERDINANDE,
 A Prin-

Princeps Optime, ad fulgorem Orbis Christiani nate, omnibus omnino hominibus conspicua, Belgis salutaria; quos ut lætos adires, ex ipso itinere victor Barbarorum ac triumphator recreâsti. Per sanguinem hostium, sed Deo ducente, profectus es, tanquàm non ferres Purpuram, sed faceres; gratior Belgarum populis, suo quodam genio Bellicosus, quia à bello veniebas, quia cum exercitu, quia armatus. Ut regi & gubernari lubeat, jam te scimus pugnare posse: ut verò felices simus, non satis erit regi. Hic etiam hostes, & plus quàm hostes vincendi sunt:
bello

bello opus , ut ad pacem & quietem veniamus ; ut conditiones , quia humanitate obtineri non potuêre, armis extorqueantur. O noctem temporum, in quâ fidera quæ putavimus, fuerunt tanquam scelera, & pestilenti conjurationis aurâ radiârunt ! ô calamitatem hominum urbiumque , omni gravio rem bello ; quia non ab hostibus , sed ab Amicis Proceribusque illatam ! quos non animus, non juris ulla ratio, sed sola absolvit fortuna ; quia consilia, quæ impia & extrema erant, ir r ta fecit. Hîc tamen ostenderunt boni omnes affectum suum, non minori obse-

quo, quàm periculo, cùm V-
nus & summus esset ; unus à
Deo datus FRANCISCVS MONCA-
DA, summus à Rege constitu-
tus, qui rem labantem maximo
imperio, majori animo susti-
neret. Adhuc stamus Belgæ,
plenamq; diei fiduciam nocti
ac tempestati objicimus ; ple-
nam salutis, calamitati : adhuc
Belgæ fide & constantiâ su-
mus, quia novam à novo Sole
lucem ; novam à novo sospita-
tore salutem excipimus : illam,
quam promit ; hanc, quam
promittit.

Ovid. 11.
Meta-
morph.

— *Nitido patefecit ab ortu*

Purpureas Aurora fores.

Tantum boni Purpura FERDI-

NANDI

NANDI habet, quia FERDINANDI:
 Purpura, sed Sacra, sed Regia,
 sed Auftriaca. Permitte, Se-
 renissime Princeps, ut quam
 tuam dico, publico & simpli-
 cissimo veritatis elogio cele-
 brem; in tuâ autem te totum
 hominibus omnibus repræ-
 sentem. Videbis munus tuum
 uno colore, variâ imagine ad-
 umbratum; munus divinum,
 ut homines regas; munus Re-
 gium, ut te scias inter homi-
 nes, imò inter Principes emi-
 nere. Virtutes in Purpurâ vi-
 debis, quæ tuæ sunt, quæ fami-
 liæ; dignitate sacras, gloriâ
 Regias, majestâte æternas: Vir-
 tutes, quæ ostendent ipsum

hoc munus tuum, & Regium, & Sacrum, imò Divinum esse.

Inter prima naturæ miracula, artisque portenta, Purpuræ nomen est, quasi numen in homine, cui à Deo præesse hominibus datum est, ut aliquid indueret Dei, reliquis & major & melior esset, ac splendore ornatior. Naturam in conchâ & animali, artem in lanâ & vellere contemplari licet; esse alteram, alteram in renovato toties mundo desuisse; esse concham, desissetincturam. Verum enimverò Purpurati esse Reges coeperunt, quando Sacerdotes erant Reges, nec alius humana, quàm qui divina administraret: sed postquàm Purpura lanæ subtraxit

traxit dignitatem, herbæ & flores dederunt Purpuram, & per naturam rerum ars circumvixit, ut varia esset, & inconstantia quâdam placeret. Primus igitur splendor, nescio quo vitio, extinctus est; nomen miraculo superstes celebratur. Purpuram verò, quasi bis puram, imò bis ignem appello. πῦρ enim ignis, & ignis purus: quam & nos vocem, sed molliore litterâ habemus; Græcis, unde Latini acceperunt, πορφύρεα est. Prorsus decuit Purpura Reges, quando boni erant, id est Reges, & adhuc decet: boni autem, & Reges erant, quando vitâ puri, veste Purpurei; quando vitâ & veste quicquid Sacerdotalis inclu-

includeret dignitas, simul usurparent. Sed Purpuram etiam in conchylio, in murice, in buccino, quæ Neptuni deliciæ sunt, nominamus; quamvis inferiore pretio. Similitudo coloris olim quoque communionem vocabuli sustinuit, cum unâ claudi testâ luxuria non posset, & Purpurei esse inciperent, qui Reges non erant; à bonitate autem morum longiùs abirent. Vt scias, quales esse debeant, qui Purpuram gestant, vide quales erant, qui conficerent; mundi flagitiorum, puri scelerum, & uno verbo, boni: quasi à malis, facinorosis, impuris Purpura nollet contrèctari; indueret vitium vellus, si vitium
Purpura-

Purpurarius adferret. Putares non tam manu , quàm mente hoc coloris artificium absolvi. Faciunt huc Purpurea Cassiodori verba, vel Theoderici potius Regis , tanquam ipsa Purpura loquatur : *In illis autem rubicundis fontibus, cum albentes comas serici doctus moderator intinxerit , habere debet corporis purissimam castitatem : quia talium rerum secreta refugere dicuntur immunda.* An addo ? Natura hîc pura est, non finit artem impuram esse. Et addo : Purpura Regum est, citiùsque definit Purpura esse , quàm ad Reges immunda veniat. Tam nimirum delicatè sanguis tractandus est, in quo occultam

B vim

Lib. 1.
Var.
epist 11.

vim naturæ, adversùs foëda se
vindicantis, admiramur. Sed si
examine locum damus, amplius
hîc est, purum, quàm Regem
esse; innocentia, integritate,
munditie, quàm fortunâ ac
pompâ eminere. Separa puri-
tatem à Purpurâ, splendor nul-
lus erit; Virtutem à Rege, ma-
jestas extinguetur. Tu splen-
dore tuo, majestâte tuâ, FERDI-
NANDE, ostendis te verè Purpu-
reum esse, & tanquam Regem
exprimas. Qui te videt, PHILIP-
PVM videt; qui PHILIPPVM, te; in
Regis fratre Regem, in Regiâ
& Sacrà Purpurâ FERDINANDVM.
Conqueri nunc etiam mortales
desinant, Purpuram, sed illam
primam

primam & Herculis, illam veram ac Tyriam ab usu & arte abiisse : novo in te beneficio, & redivivo splendore reperta est. Indoles tua Purpura est, facies Purpura, virtus Purpura : dignitatem tuam, familiam, serenitatem, & te totum non possum nisi Purpuram appellare.

Hercules quidem, ut Iulii Pollucis Lib. 1.
cap. iv.
verba adumbrem, nymp̄ha cujusdam indigena, cui nomen Tyrus, amore captus erat. Eo fortè per litus ambulante, canis qui sequebatur, repentem scopulo Purpuram consp̄catus, mordicus arripuit, p̄res̄a q̄, qua prominebat, carunculâ, sua sibi labra cruore puniceo infecit. Venit ad puellam Hercules, venit canis. Illa insolito tinctura flore

delectata, vestem amulo tinctam splendore, amoris pretium postulavit, & obtinuit. Hercules enim concham quassavit, invenit, collectoq; sanguine, munus puella tulit, primus sic quidem tinctura Punicea, ut volunt Tyrii, inventor. Nimirum præstantissimus esse debuit, qui Purpuram inveniret; Sapientissimus, qui daret Regibus majestatis indumentum, & quod aliquid non maris tantum, sed cæli haberet. Sanè roranti hoc igne, sive διεσπῶ πυρὶ, ut, eandem hanc assignans fabulam, Nonnus ait,

Lib. xi.
Dionys.

Φαίδρον ἀλιχλαίων ἐφουθαίνετο φᾶεσσι
ἀνάκτων.

*Purpureum diis Regum radiabat
amictus.*

Apud

Apud omnes igitur gentes
 summum fuit, Purpurâ resplen-
 dere, à reliquis hominibus, non
 scepro tantum ac diademate, sed
 totâ veste secerni. Pulchrè Cas-
 siodorus: *Color nimio lepore ver-* Lib. 1.
nans, obscuritas rubens, nigredo san- Var. c-
guinea Regnantem discernit, dum pift. 11.
conspicuum facit, & prestat humano
generi, ne de aspectu Principis possit er-
rari. Apud Romanos quoque in-
 ter omnia Imperii Purpurâ fuit: Spartia-
 nus.
 Ovum Purpureum in Geta, oves
 Purpureæ in Diadumeno. Pro-
 copium Valentinianus interfecit,
 quia Purpuram domi habuerat:
 Valens Iustum, quia è femore
 enatam sibi Purpuram somniâ-
 rat. Postquàm verò Regum Pur-

pura esse coepit, etiam ad templa,
 & Deos translata est. Sic & sum-
 mi Magistratus, qui ministri Re-
 gum sunt ; & Sacerdotes , qui
 Deorum , dignitatis testem , ig-
 neum hunc splendorem habuê-
 re. Romanos rerum dominos,
 gentem non minùs Purpuratam,
 quàm togatam possis appellare.
 Hi nimirum inter reliquos ho-
 mines, velut Reges erant ; imò si
 licet dicere, velut Dii. Purpura-
 tos fuisse, verba Liviana Valerii
 Tribuni plebis, graviter differen-
 tis, indicant : *Purpurâ viri utemur,*
prætextati in Magistratibus, in Sacer-
dotiis : liberi nostri prætextis Purpurâ
togis utentur : Magistratibus in colo-
niis municipiisq̃, hinc Roma infimo ge-
nere

Lib.
 XXXIV.

*nere magistris vicorum toga prætecta
 habenda ius permittemus : nec id ut
 vivi solum habeant tantum insigne,
 sed etiam ut cum eo crementur mortui:
 feminis duntaxat Purpura usu inter-
 dicemus? De Romanis agitur : at-
 qui ego omnibus omnino mu-
 lieribus usum concedam Purpu-
 ræ, ut pudicitia pulchræ, formâ
 Veneres sint , quemadmodum
 Venerem ipsam Purpuream
 Poëtarum amœnitas appellat.
 Scient quomodò verecundæ
 sint , & quo imprimis colore
 pulchræ censeantur. Quæ pудо-
 re pictæ, aliâ cerussâ faciei non
 indigent ; cùm formæ pretium
 ab animo magis, quàm à corpore
 derivetur. Sumant Purpuram,
 remo-*

removeant purpurissimum, spumam nimirum effervescentis, & in tincturam abeuntis Purpuræ: vestiant corpus, non pingant; Purpurâ malint, quàm fūco exornari. An dicam? Etiam virorum virtus verecundia est. Purpuram & hi induant, ut pulchri, imò puri sint; ut frontem modestiæ mancipient: quæ omnis ætatis prætexta est. Non possunt profectò, nisi aliquid à puero hîc sumant, viri esse; non possunt, nisi virtuti pudorem jungant, sexu & annis, sensu & animis præstare. Hanc ob causam Romana voluit antiquitas pueros prætextatos esse; ut jam tum scirent, se viros fore; addiscerent
artes,

artes, quibus pueritiam, & magis puerilitatem exuerent; ad virtutes, viris dignas, properarent. Scire verò si libet, quâ ratione pueri viri fiant, Scholas Academiâsq; vide, & in iis quoque Purpuram regnare. Cathedræ Purpureæ sunt, & doctrinæ varietate coruscant. Quid color hîc possit, ille, inquam, Puniceus, sceptrâ indicant, publicè præferri solita, tanquàm Regalem sibi magnificentiam vindicent. Sic juvenus regitur, quæ & ipsa Purpurea est: sic artes, scientiæ, Litteræ addiscuntur, quæ vel Rempublicam faciunt, vel formant ingenia, ut Reipublicæ sufficiant. Sed pulcher-

C

rimo

rimo virtutum jubare se viros
exhibent Equites Aurei Velle-
ris, non homines, sed heroës:
quos cùm PHILIPPVS ille BONVS,
anno ∞.CCCC.XXIX. conscribe-
ret, Purpuratos esse voluit: quid
nisi ut pares Regibus faceret,
non auro tantùm, sed ostro in-
signitos virtuti & gloriæ con-
secraret? Video in Vellere Iaso-
nem, in veste Herculem, utro-
bique PHILIPPVM: video Ordini-
nem tot trophæis nobilem, quot
mysteriis institutum; qui ut
maximus esset, & Cæsares, Re-
ges, Principes reciperet, à nepte
Philippi MARIA ad Austriacos
translatus est. Sed illam de Ori-
gine Purpuræ (huc enim redu-
cendus

cendus est sermo) sive fabulam,
 sive historiam, aliter alii narrant:
 quos omnes in uno Cedreno ex-
 primam. *Herculem Philosophum*, Histo-
 riarum
 compen-
 dio.
*cognomento Tyrium, regnante Phœ-
 nice, notâsse vim Purpura, & in u-
 sum duxisse. Etenim circa Tyrum cùm
 Pastoris canis ab esu Purpura, labris
 ruberet, ac pastor ex ore canis cruorem
 putaret defluere, acceptâ ab ovis lanâ
 eum deterfit. Hercules forte-fortuna
 spectator erat, & micantem tinctura
 vim admiratus, tam insolentem liquo-
 rem notavit è conchâ defluxisse. Itaq;
 lanam doni loco ad Regem Phœnicem
 tulit. Is colorem astimans, veste dig-
 num putavit Regiâ, primusq; Pur-
 purâ resplenduit, ac admirationi cun-
 ctis fuit. Rursus, & longo tempo-*

ris, non pretii intervallo, primus
RVDOLFVS ille Habsburgicus, ille
Austriacus, fuit, & Phœnicem,
imò Herculem ipsum expressit.
Invenit Purpuram, quam fami-
liæ suæ dedit; gestavit, quam
meruit: Purpuram, non vellere,
sed virtute nobilem, non animan-
tium sanguine, sed hostium.
Dedit, inquam, Austriacis Rv-
DOLFVS Purpuram; quia Insig-
nia, quæ Purpuram, & simul
imaginem diadematis habent.
Colorem dedit Purpureum, ar-
gento distinctum: hæc illa In-
signia sunt. Dedit pacis & belli
symbolum, qui suo exemplo
bella pacis causâ gerenda esse
docuit, & vincere dignus fuit.

Sic

Sic potissimum adversus Othogarus Bohemiæ Regem pugnavit, rursusque Imperium sibi; Imperio Austriam, Stiriam, Carinthiam asseruit. Acre & cruentum prælium hoc fuit, & hostili sanguine illustre, non militum tantum, sed ipsius Regis. Occubuit enim Othogarus, ille armis & provinciis potens, infelix ideo, quia obnoxius esse feminæ voluit, cum viris imperaret; bellum, quàm pacem amplecti. Cum igitur Originis Austriacæ Scriptores, in hoc conflictu ALBERTVM filium patris RVDOLFI vexillo candido, sed inter pugnandum hinc inde cruentato, viriliter præfuisse tradant; facile

statuo, Insignia familiæ hinc
sumpta esse; Vimbonem, inquam,
coccineum, sive Purpureum,
zonâ in medio candidâ, sive ar-
genteâ, ut loquuntur, divisum.
Si colorem respicis, Purpuram
habes; si metallum, diadema: ge-
mino velut symbolo exsurgens
familiæ majestas notata est.
Quid igitur? alii vestiuntur Re-
ges Purpurâ, Austriaci armantur
quoque: alii fulgent Purpurâ,
pugnant Austriaci: alii Purpurâ
pulchri sunt, Austriaci æterni.
Quem Auctorem & condito-
rem familiæ suæ, etiam Purpuræ
habent: habent Rudolphum, tan-
quam Herculem; Habsburgi-
cum, tanquam Tyrium, omnes
unius

unius beneficio Purpurati. Ergò remoto Leone aureo, è fundo cæruleo se erigente, fortior rem se putavit, novus Hercules, novus Tyrius Purpurâ, quam virtus & sanguis fecerant: sic ipse Leo erat. Potuit etiam sine Purpurâ Augustus esse, cui ad ornatum satis erat, armatum esse; animo, non corpore resplendere, ipsâ in pompam vilitate vestis ostentatâ. Quoties ab hoste & prælio rediret, Purpuratus erat; quoties confingeret, Hercules; quoties alios superaret, sui victor. Breviter, Purpuræ inventor, quæ non Tyria, sed Austriaca diceretur, unam ab omnibus familiam distingueret, tantò

tantò majorem reliquis, quantò pietas pompâ , æternitas antiquitate melior est. Quia suâ RVDOLFVS virtute resplenduit, etiam in posteris fulgentissimus fuit; in RVDOLFO posterì: ita ab uno mutuati magnitudinis decora; ut inde Austriaci essent, hinc & à se ostenderent se esse. Post RVDOLFVM hanc induit gloriam ALBERTVS ejus filius, Victor Adolphi Nassavii, bis à Septumviris electus Imperator, & bis donatus Purpurâ , supremum majestatis gradum jure maluit, quàm armis obtinere. Qui cùm summus esset, fieri voluit, tanquàm non esset; imò rogandus erat, ut fieret. Imperii deinde vindex,

vindex, cùm hostes omnes debellasset, à suis per summum scelus interfectus est. Filius Alberti FREDERICVS, Pulcher cognomento, & Imperator fuit, & in Imperatorem simul electum pugnavit, Austriacus in Bavarum; sæpiùs victor, ut semel infelix esset; semel victus, sed nunquam non fortis, à fortunâ ad se venit, pace quàm Purpurâ felicior, cùm Imperium non nisi bellum esset, & gloriâ magis quàm appellatione Cæsaris, sibi redditus, frueretur. Tantò postea major ALBERTVS II. qui Frederici fratrem Albertum, proavum habuit, Alberti ipse filius, Alberti nepos, Sigismundi gener, novum

D

fami-

familiæ jubar, omnibus perfecti
Principis ornamentis clarus fuit;
longiori tantum vitâ dignus,
qui uno biennio rerum gesta-
rum magnitudine non unum
sæculum implevit; qui cum ad
compendium fortunam duce-
ret, menses tanquam annos com-
putavit. Plura sibi scepra ac dia-
demata, plures provincias Pur-
purasque subjecit. Quasi nihil
restaret quod vinceret, vivere
desiit. In Patris locum FREDERI-
CVS electus est, ille Iustitiæ ac
Sapientiæ deditus, bonus omni-
no, patiens, sincerus, & prisco
Germaniæ genio. Purpuram
candidam esse posse, & nivi si-
mitem, quemadmodum

Brachia

Brachia Purpurea candidiora nite,
 Albinovano dicta sunt, moribus
 ab omni fuce, verbis ab omni
 fallaciâ alienis monstravit.
 Ut felicius imperaret, filium
 MAXIMILIANVM in consortium
 Imperii, Romanorum Regis ti-
 tulo, & septumvirali electione
 adsciscit. Putares eâdem virtute,
 eâdemque Purpurâ & patrem
 Imperatorem esse, & filium Cæ-
 sarem: conditionem utriusque
 senio & flore, affectu & pietate,
 sceptro ac gladio distingui. Tam
 inter se concordes, universam
 Germaniam pace complexi sunt,
 digni ab omnibus habiti, qui
 Purpuram sibi, & familiæ suæ
 novâ quâdam luminis præroga-

tivâ vindicarent. Hic ille MAXIMILIANVS fuit, qui cùm copiosum omnibus amoris esset argumentum, felicissimo cum MARIA, Caroli Audacis filiâ inito conjugio, Belgarum populos potentiae suæ adjecit. Quot provinciae, tot jam Purpuræ erant, Austriacis divinitus destinatae, ut ad plenum mox fortunæ jubar familia duceretur. Nuptiæ deinde Hispanicæ ad Orbis quasi sceptrum PHILIPPVM, animo, ut nōmine Pulchrum, Maximiliani filium, evexere, novâ Purpurâ Regem, sed non diuturnum. Vnde Adolescens adhuc CAROLVS, Philippi filius, plenâ virtutum indole promittens, quicquid

quid Antiquitas magni aut heroïci habuit, Patri in Regna, Avo deinde in Imperium, Quincti nomine, successit. Quid tandem? Plenus gloriâ Purpuram exuit: Filium PHILIPPVM esse Regem, fratrem FERDINANDVM esse Imperatorem voluit; alterum in Hispaniâ, alterum in Germaniâ, divisâ velut sede, conjunctâ potentîâ, summum esse; unâ Purpurâ, geminâ luce; uno cognomine, gemino honore radiare. Itaque Caroli posteritas Orbi terrarum; Ferdinandi, Imperio Orbis par erat: unum utraque habitura hostem, qui est omnium; unum, qui non unâ jam superbus Christianorum Pur-

purâ, Iustitiæ ac Majestatis ornamenta, velut instrumenta superbiæ ac tyrannidis usurpat. Sed Ferdinandus MAXIMILIANVM dedit, amantissimum virtutis & doctrinæ Principem: Maximilianus, RVDOLFVM, & MATTHIAM: quorum alter in otio gerere res magnas potuit, omnis elegantiae æstimator; alter fratris nomine & auspicio pugnans, non prius accepit Imperii Purpuram, quam meruit. Poterat & idem illud fastigium, Matthiâ extincto, ALBERTVS noster, ille pietate inclytus, conscendere, à Septumviris invitatus; nisi suam ornare Purpuram, illamque Belgicam, quam novam assumere maluisset:

set : satis magnus, quia Austria-
 cus erat, quia Albertus erat, quia
 Belgas regebat : jam Imperator,
 quia animo vicerat, quicquid
 velut Magnum æstimabatur.
 Itaque consensu plusquàm he-
 roïco conjugis, recusavit Cæsar
 esse ; & ne esset, venientem ad se,
 & variâ ornatam Purpurâ for-
 tunam rejecit. FERDINANDVM Ca-
 roli Archiducis filium, Ferdi-
 nandi Imperatoris nepotem,
 Patruelem suum, tanquàm fra-
 trem censuit, dignum provinciis
 omnibus, quas dare pulchrius
 erat, quàm adire ; quas amittere
 non videbatur, quia dabat, quia
 Austriaco, quia Austriacus. He-
 res Rudolphi, heres Matthiæ erat,
 jure

jure erat ; ditavit hoc jure novum Imperatorem, & fecit. In Germaniâ quidem hæc jam ab uno in multis Purpura est, & in omnibus quasi una ; Cæsarea est ; Austriaca tamen. Imò hæc Augustorum hæctenus Austriacorum corona est, duodecim perfecta radiis, quasi totidem signorum cælestium æmulatione composita, quæ totum Solis iter, pleno lucis ambitu reciperet, ac dispensaret. An animosius dicam ? Corona hæc, gloriæ Austriacæ velut annus est, Purpuræ circulus, æternitatis ordo. Etenim quia duodecim jam fuere Cæsares, plures erunt, sæpiusque duodecim : erunt, quamdiu
Purpura

Purpura erit; hæc autem nunquam non erit. Novus semper nascetur annus, novus circulus, novus ordo, & novam coronam facient: dabit corona hominibus, quicquid à cælo expectant; aurea accipient homines sæcula, & Austriaca nominabunt. In Hispaniâ alio titulo, eodem splendore æterna est, Regia est; Austriaca tamen. Quatuor jam & quasi ordine PHILIPPOS video, Regem quasi unum, mundi non unius Monarcham. Video Fratrem tuum, Patrem, Avum, & proavo interposito Carolo, Abavum: video, inquam, FERDINANDE, te ipsum. Illam virtutis Heroicæ indolem video, illum glo-

E ria

riæ Austriacæ genium, illud naturæ divinioris decus, delictum, simulacrum. Aut fallor, aut in his quoque omnibus RVDOLFVS jam Habsburgicus est, novi tum ac divini nominis, decoris, magnitudinis auctor; quæ sic accepit quisque, ut auspicari tamen videretur, propagator simul & auctor. Tot RVDOLFI, quot Cæsares in Germaniâ, quot Reges in Hispaniâ Austriaci sunt; veri πορφυρογένετοι, quia in Purpurâ, id est virtute, nascuntur: digni Purpurâ, sed illâ primâ, illâ purissimâ, quam invenire, ut dixi, Hercules potuit, ut omnes exornaret Reges, & par Regibus esset. Sanè quemadmodum potentia Regis

Regis unius, cum aliorum comparata sceptris viribusque, maxima est: ita & unius maximè Purpura, emicante flore, Purpura est, &, ut cum Pindaro dicam, αἰθόρῳρον πῦρ, *ardens ignis*. Te non <sup>Olymp.
Ode 1.</sup> possum, Serenissime Princeps, à fortunâ PHILIPPI, sed nec à Purpurâ separare. Quæ Regia est, tua est; quæ PHILIPPI, tua; quæ Austriaca, tua: te in Rege, te in Philippo, te in Purpurâ veneramur; in te Purpuram, in te Regem, in te Philippum: qui ut suum te profiteretur fratrem esse, summo à te regi imperio celeberrimos fortissimosque Belgarum populos voluit, belli pacisque arbitrium à prudentiâ tuâ

pendere. In totâ nescio an Monarchiæ mole nobilior administratio sit, laboriosior cura, periculosior alea: tanquam in paucis provinciis, quicquid ubique terrarum & marium est; in paucis populis cunctæ gentes conglobatæ gubernentur. Vnum hoc bellum, bella omnia Europæ continet: hîc Reges alii, Principes, Respublicæ pugnant: hîc unum timent, cujus non minùs virtutes quàm vires, fatum quàm nomen, genus quàm aurum formidolosum est: denique hîc in se divisa una natio, Orbem universum longo tumultu diffecuit, in partes atque factiones traxit. Pro Rege, & in Regem bellum est,

est, pro Deo & in Deum. Moderatum & vetus alii dedignantur imperium, quod unius est; contrà alii à pluribus regi, miseriam sub libertatis larvâ servitutem esse vel sciunt, vel experti sunt. Alii, ut nullà utantur Religione, quamcumque liberam volunt; contrà alii unius tenaces sunt, ne à sanctissimis Majorum moribus ac institutis desciscant. Nôrunt hi, qui obsequio tui sunt, pro te, FERDINÂNDE, pugnaturi, Regis causam Dei esse, & Dei Regis: tuam jam esse, qui Regis & Dei hîc personam auctoritate sustines, Purpurâ representas. Quâ Purpurâ? Regiâ & Austriacâ, quam hactenus de-

scribo : imò quâ Purpurâ ? Sacra, & peculiariter tuâ , quæ sic etiam Austriaca facta est. Non omnes quidem qui sanguine ac stirpe Austriaci, sceptro ac diademate Reges sunt. Austriaci sunt, & hoc satis , ut inter alios præstent atq; excellant, suo quodam genio exemplum præscribant omnibus. Alibi facilius Reges invenias , quàm Purpuram ; alibi Purpuram , quàm majestatem. Vbi virtus quærenda est, superfluum est , quicquid aut fortuna suppeditat , aut fastus usurpat. Constantinopolitanæ, sed acceptæ Româ, deliciæ erant, in Purpurâ nasci , unde & Porphyrogenitis nomen ; domum
Impera-

Imperatricibus assignatam habere parientibus, quæ πορφύρεα, sive *Purpura* dicebatur. Luitprandus disertè *Porphyram domum fuisse Constantinopoli à Constantino Magno exstructam, in quâ voluit successuram nobilitatis suæ sobolem in lucem prodire, ut qui ex suo stemmate nati essent, luculentâ hæc appellatione Porphyrogeniti dicerentur.* Hoc omnino erat eodem vitæ auspicio & hominem & Principem esse. Sanè Paulus Diaconus Constantinum Irenes filium in domo Purpureâ & natum & necatum scribit. Sed in domo Purpureâ cunas quoque fuisse Purpureas nil mirum est; non aliter ali ac nutriri debebat futurus

Lib. i.
cap. ii.

Lib. xxxi.

rus Imperator,quàm natus erat :
ipsum sic quoque vagitum pos-
sis ac ploratum Purpureum ap-
pellare. Ad te,FERDINANDE,venio,
tuos natales,tua cunabula,tuam
infantiam ad memoriam ac ve-
nerationem revoco. Non in Pur-
purâ tantùm , sed in auro nasci
debuiſti ; quem Mater MARGA-
RITA,Reginarum pretium ac dec-
us,peperit. In Purpurâ,in auro;
quia PHILIPPI eras filius , anno
1545. IX. Poſtridie Eidus Maii,
die Saturni,horâ n. amœniſſimo
anni tempore , menſe floribus
deſtinato,adulto jam die. Natus
in Prætorio Laurentiano,quod
non poſſum niſi novum Orbis
miraculum, & Auſtriacæ mag-
nificentiæ

nificentiae æternum monumen-
tum appellare. Sed multorum est, in
Purpurâ nasci; tuum in majestate
ac virtute, quæ Austriacorum Pur-
pura est. Pulchrè adolescit, qui sic
nascitur; qui animo citiùs, quàm
ornatu splendet, qui virum in pue-
rili Purpurâ ac prætextâ agit. Tua
illa puerilis erat, sed tamen Regia:
Sacram assumpsisti, ut tanquàm
Rex esses, uno fratre, quia Maximo,
minor; multis æqualis, quorum
fortunæ fulgentissimam ab ipso
Ecclesiæ cardine dignitatem oppo-
neres; Deum hominibus, cælum
terris. Hæc quidem gloriâ, & inusi-
tato ritu Pontificatum suum, &
ipsam inprimis Ecclesiam Roma-
nam ornare PAVLVS V. potuit, an-

no ∞.IDC.XIX. Litterâ quoq; FERDINANDI, tanquàm Purpurâ insignito, IV. Kal. August. cùm natus esses annos X. menses III. dies XIII. Sed tamen citiùs ille vitam exuit, quàm Purpuram tu indueres. Induisti enim sexto demum mense inde impleto, & tanquàm denuò nascereris, postridie Kal. Febr. qui Solis, & sic Purpureus fuit, Purificationi Virginis Puerperæ sacer; sed Pontifici, vel supremus, vel supremo proximus, anni ∞.IDC.XX. Nimirum ut è cælo beneficium ille suum spectaret, & solenniùs tuis interesset, ad immortalitatem transierat. Novam sic quidem gestare cœpisti Purpuram, qui Purpureus totus eras, priscâ formulâ, τὸ τῆς πορφύρας ἔργον, *Purpure*

puræ ramus. Totam expresseras
 familiæ majestatem, sed Gratius
 amabilem, & quibus benevolen-
 tiam omnium provocares. Pror-
 fus, quemadmodum in vino
 γλυκυπικρία commendari solet, quæ
 nec flaccidam esse dulcedinem
 finit, & austeram castigat acri-
 moniam: ita in moribus tuis, in
 vitâ, in vultu suavitas diluit,
 quicquid severum est; severitas
 autem languescere suavitatem
 non finit. Tantum naturæ tuæ,
 Optime FERDINANDE, ascriben-
 dum puto, quæ & ipsa Purpura
 est; tantum educationi, quæ &
 ipsa Purpura; tantum vitæ, quæ
 & ipsa Purpura. Mores tui nil
 nisi elegantiae sunt; quia cælesti

quâdam normâ compositi: ingenium nonnisi delictum, quia cultum eruditionis admittit: animus nonnisi thesaurus, in quo pietas, pudor, & generosa honestas constipantur. Tuæ sic igitur bonæ artes ac studia sunt, sed quantum in Principe laudari possunt: quæ cum modum excedunt, ex Principe privatum faciunt. Modus verò ille est, ut ubi didiceris quantum satis: quantum didiceris, ames magis, quàm tractes; scias, quàm excolas; usurpes, quàm ostentes: major futurus, si inter doctos potiùs Principem agas, quàm si inter Principes doctum. Tuum est agere, aliorum scribere quæ
agas;

agas ; Tuum favere viris doctis,
 ut doctissimus ipse videaris ; il-
 lorum ingenia, studia, labores,
 liberali ad gloriam affectu sti-
 mulare. Scio te in Purpurâ hâc
 sacrâ Antistitem esse ; quæ do-
 ctrinæ & pietatis potissimùm
 radiis ornatur : sed & in tuâ te
 scio Principem esse, in tuâ do-
 ctum piûmque esse ; rebus tamen
 magis, quàm libris ; armis, quàm
 Musis ; imperio, quàm otio de-
 stinatum. Litteræ otia sunt ;
 sed non te finit publica bellî
 tempestas otiosum esse. Imò lit-
 teræ tuæ sunt, ut amœnitate stu-
 diorum non occupes ingenium,
 sed oblectes : hinc etiam oppor-
 tuna rebus dubiis consilia, labo-

rantibus remedia, labantibus fulcra petas. Prorsus ut Regiam tuearis Purpuram, Sacra opus est : doctam piamque esse, quæ Regia est sacra docet, sive belli, sive pacis tempore. Ad bellum etiam doctrinæ ac pietatis arma faciunt : pacis artes non nisi Litteræ sunt, quæ doctrinam & pietatem continent. Tanti est igitur non Principem tantum, sed Purpuratum & Cardinalem esse : quod nomen non minus Romanum, quam summum est, terrâ majus, quia à cælo derivatum. Enimverò cælum esse non potuit, nisi volveretur; nec volvi, nisi cardines suos haberet; unde plagæ mundi, & venti cardinales dicti

dicti sunt. *Quatuor generaliter à
totidem mundi cardinibus flare etiam*
Quintilianus scripsit, *cùm in-* Lib. xii.
terim plurimi medii eorum, Varietate Inst. cap.
x.

regionum ac fluminum propriè depre-
hendantur. Quotquot sunt, Re-
ctores aëris sunt, maris terræq;
arbitri, anni præsides, temporis
sequestri, & velut œconomi.
Munus hoc quidem Cardinalis
antiquum est, nomen recentius :
imò nomen antiquum, sed alio
munere; quod erat, inter Sacer-
dotes ubique eminere. A loco
ad personam (ut Bellarmino pla-
cet) appellatio venit. Principio
enim Sacræ quædam ædes, in
quibus primariæ vigeant Reli-
gionis functiones, & præcipuè
Baptismi

Baptismi myſteria, Cardinales dictæ ſunt: hinc & Myſtæ horum ſolennium, quia primarii, Cardinales. Eſſe alibi, aut potiùs dici deſiñere, poſtquàm Romæ dignitas aucta eſt, ac præcipuè anno ∞. LIX. quo Pontificis creandi poteſtas adjuncta. Huc Petri quoque Damiani, egregii Scriptoris, verba faciunt; qui & vixit eo tempore, & Cardinalis Oſtienſis fuit: *Romani Cardinales Romanum Pontificem principaliter eligunt, & quibuſdam aliis prærogatiuis, non modò quorumlibet Epiſcoporum, ſed etiam Patriarcharum, atque Primatum jura tranſcendunt. Salvo quippe Vni-verſalis Eccleſiæ Sacramento, iſti ſunt oculi unius lapidis, ipſi lucernæ*
unius

Lib. 1.
epiſt. xx.

unius candelabri. Iam tanquàm ubique essent, in unâ urbe, & sub uno Pontifice: quid? ubicunque sunt, tanquàm in Vrbe, Orbis Principes sunt, sub uno Principe, Ecclesiæ, ut sic dicam, Senatores, ac Patres. Ne Sacro ornamenta ordini deessent, Innocentius IV. Pontifex, anno .m. cc. xlv. publico decreto sanxit, *Vt equò in publicum vecti, rubro galero uterentur.* Majestas hæc fuit, sed non absque mysterio; ut parati semper essent, in discrimen se pro religione offerre, sanguinem fundere, martyrio rubere. Paulus deinde II. post annum jam .m. cccc. lxi. vestem coccineam, cucullo insignem, adjecit, ut pe-

nitùs jam Purpurati essent , ac
 Reges viderentur; non nati qui-
 dem, sed facti, & tanquàm nati
 essent. Redeat Cyneas , Regis
 Pyrrhi Legatus, & Romanorum
 denuò agnoscat Majestatem;
Vrbem, respondebit, *templum sibi*
videri; *Senatum*, *Regium confessum*
esse. Sanè quot Cardinales, tot
 Reipublicæ Christianæ Senato-
 res sunt, sub Pontifice, sed velut
 Augusto. Cardinales sunt, & hoc
 fatis; quos ut vero tandem, ac
 proprio ornaret titulo VRBANVS
 VIII. omnium sæculorum vir-
 tutes, artes, elegantias ad suum
 revocans, sanctissimo Decreto
 EMINENTISSIMOS appellavit. Ete-
 nim ut Eminentissimi cæli car-
 dines

Florus
 lib. 1. cap.
 xviii.

dines sunt : ita in terrâ sublimiores esse Cardinales non poterant, quàm si ad cælum eveherentur. Id VRBANVS ausus est, & adhuc audet :

Terrarum dominos evehit ad Deos. Horatius.

Hæc igitur Purpura Sacra est, Romana est, Cælestis est, & Regiæ passim per Europam mixta, geminum alibi jubar explicat : tardiùs, imò serò ab Austriacis admissa, qui pietatem hîc, quàm pompam æstimare maluerunt. Sed postquàm novi Gregorii, Clementes, Pauli, Urbani, se ostenderunt pares Purpurâ suâ Regibus esse, tantum hoc, aut superiori sæculo addere splendoris Ecclesiæ visi sunt, quantum

aliantea à Regibus acceperant.
 Primus igitur in Sacrum hunc
 ordinem à Gregorio XIII. ad-
 scriptus est, ANDRÉAS AVSTRIACVS,
 Ferdinandi Archiducis Austriæ
 filius, Ferdinandi Imperatoris
 nepos, anno .m. d. lxxxvi. qui Pro-
 tector Imperii, & Germaniæ to-
 tius Legatus fuit: Vir, & Ger-
 manus indole, nihil nisi virtutis
 causâ faciens, & magis Austria-
 cus, tanquàm non sibi, sed fami-
 liæ magnus esset. Sequitur AL-
 BERTVS, ille noster, Maximiliani
 Imperatoris filius, Ferdinandi
 Imperatoris nepos, inter mag-
 nos Optimus, inter bonos Maxi-
 mus, inter utrosque animosissi-
 mus. Excoluerat pietate ani-
 mum,

mum, doctrinâ ingenium; ut
 ostenderet Austriaci esse, priùs
 mereri Purpuram, quàm sume-
 re: Tertium te eodẽ jam splen-
 dore; FERDINANDE, habemus, sed
 tuo, non agnato tibi, sed accepto;
 ut non omnia jam PHILIPPO Regi,
 quia Patri, aliquid etiam PAVLO
 Pontifici, & nunc VRBANÒ tan-
 quàm Patri debeas. Non enim
 in familiâ tantum, sed in Eccle-
 siâ, quæ maxima est familia; &
 post Andream, & Albertum
 emines; par utrique, nisi quòd
 post utrumque, aliquid conce-
 dens tempori, nihil magnitudini;
 cùm eandem virtutis indolem;
 animum fortè maiorem adferas.
 Non tu quæfisti Purpuram, sed

te Purpura. Te illa tuis ostendere voluit, quantus esses; omnibus, quantus mox futurus sis. Ergò te suspiciunt omnes, te admirantur tui, Austriaci, & tanquàm Austriaci; qui nomen à magnitudine divisum habent, matre Austriacâ, non patre procreati. Sed hujus familiæ hæc propriè dignitas, & propè divinitas est; ut, quemadmodum nasci olim heroës solent, tantum splendoris ad nuptias & generationem adferant feminæ, quantum alibi viri. Viragines nimirum Austriacæ sunt, imò, si hoc minùs, Heroïnæ sunt, & Heroës pariter, sive Semones gignunt; Austriacos, non quidem nomine, sed

sed indole ac naturâ. Ex Heroïnâ
 igitur CATHARINA Austriacâ, CA-
 ROLO EMANVELI Sabaudix Duc
 in matrimonium collocatâ, ISA-
 BELLÆ nostræ CLARÆ EVGENIÆ
 Sorore, PHILIPPI II. Regis Filiâ,
 CAROLI V. Imperatoris nepte,
 natus est MAVRITIVS EMANVEL, Sa-
 baudix Cardinalis, quem mag-
 nificentia, generositas, omnesq;
 heroïci animi dotes Austriacum
 faciunt, & Purpurâ suâ dignum.
 Deinde è CONSTANTIA Austriacâ,
 SIGISMVNDI Poloniæ Regi nuptâ,
 Ferdinandi II. Imperatoris So-
 rore, Caroli Archiducis Au-
 striæ filiâ, Ferdinandi Impera-
 toris nepte, IOANNEM ALBERTVM,
 Polonia Cardinalem accepit,
 cui

cui aliquid patris mater quoque facit. Hic, cum VLADISLAVS frater ejus Rex fieret, Purpuram simul induit, non Regiam, sed Sacram : non enim ut regeret cum fratre, sed ut splenderet, non diademate, sed galero. Nullis hîc etiam Regni suffragiis opus erat; à Pontifice eligendus: non aliâ etiam molestiâ aut curâ, quàm si vellet eligi; ut sic quoque Austriacus videretur. A Carolo igitur Imperatore descendit MAVRITIUS, & matrem Austriacam habuit, sed Hispanam; à Ferdinando, Caroli fratre, VLADISLAVS, & matrem pariter Austriacam, sed Germanam. Familiam putes in duos velut ramos

ramos divisam esse, quorum alter Regius, alter Cæsareus; ille in Hispaniâ, hic in Germaniâ felici propagine cresceret, & æternitatem sibi polliceretur. Tanquàm magnitudinem stirpis natura agnosceret, tribuit & feminis, quod Austriacum esset, & ad virorum gloriam accederet: accepit affinitas, quod alibi dare sanguis solet; conjugium, quod nomen. Sed ubi mulieres, tanquàm viri sunt; viri quâ sorte ac conditione erunt? Si Matrem habere Austriacam, homine majus est, quid Patrem? Tibi hoc, FERDINANDE, divinitus contigit: Patre nasci Austriaco, sed Optimo, Matre Austriacâ, sed

H Optimâ;

Optimâ ; ut Optimus ipse esses ;
corpore & animo, verbis & mo-
ribus totum Austriacæ bonita-
tis genium repræsentares. Iam
ceperas Purpuram , priusquàm
acciperes ; imò acceperas, prius-
quàm caperes : vultu , non veste
Puniceus, ut pulcher esses ; vere-
cundus , ut floridus ; modestus,
ut formosus : tuam jam indolem
Purpuram feceras , quasi veste
non indigeres. Ergò cum fratri-
bus educatus, natus minimus, sed
vigore æqualis , ad omnes om-
nino virtutes erexisti indolem,
promptus, facilis, excitatus , &
quasi ætatem præverteres. Se-
quebaris fratres , & exemplo in
æmulationem sumpto , non de
loco

loco aut ordine , sed solo affectu
 contendebas. Ad Regnum PHILIPPVS natus erat, tanquàm Deus
 quidam in terrâ homines rectu-
 rus : ad bellum CAROLVS, qui hoc
 nomen sibi à proavo Martiali vi-
 gore vindicabat : sed tu in Sacrà
 Purpurâ tuâ , & Regnum , sed
 pietatis causâ , & bellum, sed pa-
 cis causâ, invenire potuisti, tan-
 quàm & Philippum, & Carolum
 exprimeres ; non fortunâ , sed
 Purpurâ, ut sic dicam, Rex esses ;
 non manu , corpore, robore, sed
 consilio , ductu , auspicioque
 pugnares ; Quid ? fortis & felix
 esses ; in potestate tuâ exerci-
 tus, populos, provincias haberes.
 Quid etiam ? mitrâ , pedo, Pur-

purâ florem ætatis ornares; To-
letanis Summi Antistitis titulo
ac dignitate præesses : quæ &
ipsa quædam Purpura est , imò
Sacra est, & ad Religionis maje-
statem facit. Sed jam te una
Hesperia non capiebat : missus à
Rege in Italiam, regere Insubres
cœperas, ex miseris felices, ex af-
flictis lætos, è mortuis quodam-
modò vivos reddere. Vt bella,
& bellorum mala arceres , nova
tibi fœdera cordi fuêre : & per
hostes profecturus, novos Regi
Amicos concilias, nova imperii
subsidia ac fulcra. Iam ostende-
bas , quâ prudentiâ & consilio-
rum maturitate pacis negotia
tractanda essent, priusquàm ad
arma

arma & proelia ires, adductis ad
amicitiæ vincula præcipuis Hel-
vetiorum Pagis ac Populis: quod
non minùs ad securitatem ma-
gnitudinis facit, quàm subjectos
habere. Gens illa suis vivens le-
gibus, una corpore, divisa mem-
bris ac religione, non exiguum
belli pacisq̃ue publicæ haberi
momentum solet; quia inter
Italiam, Galliam, Germaniam
media, Alpium custodia, naturâ
loci, aut naturæ potiùs miraculo
munita; domi quieta, ut ubique
pugnet; virtutem verò, otiosi
nesciam, obsequio armorum fo-
ris exerceat. Fidem an fortitu-
dinem ad societatis pacta mayo-
rem adferat, dubium est: fide

constans, ubi satis non est fortes
esse; gloriæ tenax, quamdiu il-
læsam fidem servat. Hæc igitur
illa fœdera tua sunt, quæ sibi alii
bella putent: his pugnas, cùm
non pugnas, qui vincere etiam
sine armis doctus es, & in tuâ
Martem potestate habes. Imò
gloriæ hæc tuæ fundamenta &
velut auspîcia sunt, quæ alii fa-
stigia nominent: Mediolani po-
sita, ut ubique firma sint: sis ipse
ubique, quod apud Insubres
fuisti, quietis publicæ, salutis,
securitatis auctor. Sed ut Bel-
garum adumbrem statum, ad-
huc sumus, quod Insubres fuere:
non omnino tamen miseri; quia
dum à te auxilium expectamus

ac solatium , respirare sub invicto Stratego nostro FRANCISCO MONCADA, Aytonæ Marchione, licuit ; qui publicum fatum incredibili industriâ, prudentiâ, vigiliantiâ, & totâ adeò virtute sustinuit. Fortunam ille ac ferociam repressit hostium, ut facilius in Belgium tibi introitus esset ; imò tuam tantisper in maximis difficultatibus auctoritate Regiâ personam sustinuit , ut quicquid fortiter feliciterque gereret, Purpuræ tuæ dedicaret. Hic ille vir est , qui etiam inter arma, quid Litterarum studiis tribuendum sit, novit ; qui non unâ Purpurâ dignus est, sed quæ in triumphis solet cerni. Tuam
nunc

nunc respiciunt Belgæ, tanquam
tui sint; & omnia sibi promit-
tunt bona, quia à te reguntur,
Principe, Cardinale, Austriaco.
Ter gemino hoc venisti titulo,
qui omnes in se laudes continet.
Principem esse, magnum fortu-
næ donum est; Cardinalem esse,
magnum virtutis; Austriacum
esse, magnum Dei. Vincit For-
tunam virtus, omnia Deus. Sed
ego à fortunâ, à virtute, à Deo
Familiam laudo Austriacam,
quia Sacram tandem Purpuram
admisit: Belgicam laudo no-
stram, quæ postquam à Sacrà
regi Purpurâ cœpit, Austriaca
quodammodò facta est. Hacten-
us quidem non alios familia
Cardina-

Cardinales habuit,quàm quieâdem dignitate Belgicæ præfessent,fortunam,virtutem,Deum adferrent. Belgicam laudo; sed heu! totam adhuc nostram non possum nuncupare, tumultu ac rebellione in partes, vel potiùs calamitates pridem divisam. Provinciæ aliæ in Regem, aliæ pro Rege pugnant: pars,ut sub uno,quemadmodùm dixi,liberæ sint; sciunt enim regi ab uno, optimum esse: pars,ut sub pluribus serviant; quod vocant regere. Homines, an vitia accusem, nescio; naturam,an mores. Quia in mari, ut sic dicam, aliqui habitant,non possunt maris ingenium non sumere: quando tur-

bines venti accedunt, æstuarè facile est. Neptūnus hic igitur verè Neptūnus est, verè, ut cum Homèro dicam, ἐνοσίχθων, *terra quassator*. Ergò nubes, tenebras, tempestates, longamq; noctem vidimus, cælum non jam Purpureum, sed foedum horridumque: terram contrà sanguine ubique Purpuratam. Novo splendore opus erat, ut sua cælo rediret serenitas; novâ Purpurâ, quæ verum terræ splendorem redderet, noctem in diem commutaret. Purpurascere & mare scimus, sed remis agitatum. An Cicerò fallit: *Quid mare, nonne caruleum? at ejus unda cùm est pulsa remis, purpurascit*. Si ludi imagine lucis, oculo-

Lib. 11.
Acad.
Quæst.

oculorum deliciae sunt, quo pretio verum tincturae florem efferram? Maritimi homines maritimos mores habent: Purpuram tamen, ut ament, è mari sciant colligi; ut timeant, sanguineam esse. Hac indutus ALBERTVS, regere prudenter, pugnare fortiter potuit, & gemino virtutis vestigio ad gloriam ire: hanc postea exuit, ut suum acciperent Belgæ Principem, quem in Purpurâ venerati erant; ut maritus ISABELLÆ CLARÆ EVGENIÆ fieret: quod erat quodammodo Regem esse, & ad PHILIPPI majestatem accedere. ANDREAS interea, quia Purpuratus, ALBERTVM egit, & innato vigore assurgens, li-

mites ac munimenta penetravit
Bataviæ , inque sinu hostium
bellum collocavit. Uterque Au-
striacus, uterque Cardinalis erat,
uterque quod ipse es , & novo
isto munere exprimis. Nónne
ALBERTI Purpura tua est? Au-
striaca est; nónne ANDREÆ , tua?
Austriaca est. Totâ virtute, for-
titudine , gloriâ fulgere, Au-
striacum, & tuum est. Regendo
domi, pugnando foris, trium-
phando ubique, ostendes te FER-
DINANDVM, & Austriacum esse.
Sed quia ubique pius eris, Deum
in Purpurâ tuum facies, & favo-
re numinis reges, pugnabis, tri-
umphabis. Vide propiùs ac in-
spice Purpuram sive ALBERTI, sive
ANDREÆ,

ANDREÆ, & utrumque verè pictum videbis : unus hic color purus, color cælestis, imaginem faciet. ALBERTVS igitur ipsâ quasi felicitate stipatus, cùm adhuc novus esset, hinc Gallos, inde Batavos hostes haberet, eduxit copias, Caletum, maris terræque munimentum, quo impetu invadit, eo successu capit. Novum Neptunus Martem, novum Mars Neptunum ratus, ferociam submisit. Prodigium erat, à togâ bellum, à serenitate procellam, à Purpurâ fulmen exire. Corollarium victoriæ, & quædam quasi mantissa Ardresium fuit, obsessum, & ad deditionem sine morâ pertractum. Converfo

mox in Batavos exercitu, Hul-
stum (de quo dubitares, in aquâ
an terrâ situm esset) oppugnari
cœpit, & quia spes salutis alia
non erat, obsequio exitium rede-
mit. Ne stratagemata dēessent,
Ambianorum urbs dolo, quasi
belli compendio, capta est, ac ti-
meri Purpura cœpit, etiam ubi
non pugnabat. An perterreri
Gallia potuit? pax insecuta est,
& graviori bello Belgium con-
cussit. Profecto deinde in Hispa-
niam, imò ad nuptias ALBERTO,
ne sine Purpurâ regimen esset,
rebus ANDREAS præficitur; &
pro nomine se gessit, quod erat,
stirpem repræsentare: non obli-
tus Austriacum se esse, tam orna-
menta

menta dignitatis , quàm arma explicuit. Rhenobercam cepit, vicinam Germaniam, belli incendio conterritam, turbatamque, ad securitatem reduxit. Magnum deinde facturus belli pretium, nobilem illam & verè Regiam Insulæ Bomelianæ Arcem imponit. Vnam hanc struere, non minoris operæ & artis erat, quàm plures capere atque expugnare. Situm mireris & opportunitatem : premi ac constringi flumina, quæ venæ hostium ac nervi sunt, potuère : commercia, cum provinciis fororibus misceri solita, incîsa sunt. Mosa igitur & Vahalîs, ubi aquarum concursu communem fortiuntur alveum,

&

& novo mox divortio capacem
Vrbis unius, pluriumque pago-
rum insulam circumscribunt,
frenum acceperant. Breviter;
viscera nobis ac vitalia Bataviæ
patefacta sunt. Sed plus momen-
ti in milite, quàm munimento
positum esse, plus in fide militis,
quàm muro ac vallo, fluxa belli
fortuna postea monuit. Non erat
milès, qui ut stationem desere-
ret, à sacramento abiit; qui fi-
dem suam emi flagitio passus est,
ut hostis fieret. Novâ nunc igi-
tur virtute opus, tuâ, FERDINAN-
DE, opus; ut nihil amisisse videa-
mur: Purpura ipsa virtutem fa-
ciet. Novâ felicitate opus, quam
jam didicimus tuam esse, & cum
Purpurâ

Purpurâ congiungi. Venisse, melioris Fortunæ auspiciū est. Citiùs enim quàm venires, vincere potuisti: in Germaniâ arma & vires hostium, in Belgio animos, quæ primæ vires sunt, ac victoriæ fiduciam suppeditant. Tua tibi ornamenta arma sunt, virtutes tuæ vires sunt, Purpura tua habet, quicquid ad felicitatem facit: habes ipse in Purpurâ, quicquid laudari potest. Quantus sis, in terribili illo, & adhuc recenti juxta Norlingam prælio apparuit: ubi tamen, cūm agri longè lateque Barbarorum sanguine Purpurei essent, foedum cadaverum horrorem Purpura tua mitigabat. Videbant verò in

Duce Hispani tui, & Itali, veri
 utrique Martis pulli & Bellonæ
 progenies, quo colore victores
 fierent; Purpuræ tuæ similitudi-
 nem hostili sanguine æmulati
 sunt: pulchri, quia cruenti, cū
 virtus ipsa iram admitteret; in
 cædem stimulata; & ad victo-
 riam vulnera plerique aut sua,
 aut sociorum adferrent. Sparta-
 nos pugnasse dixerim, qui, ut
 verbis utar Valerii Maximi, *ad*
disimulandum & occultandum vul-
nerum suorum cruorem, pænicis in
bello tunicis utebantur: non, ne ipsis
aspectus ejus terrorem; sed ne hostibus
fiducia aliquid adferret. Sumebant
 pugnaturi φοινίδα, ut quomodò
 pugnandum esset, ex ipso vestitu
 &

Lib. II.
 cap. VI.

& ornatu suo scirent; tegerent plagas, ne faucii viderentur; vel ostentarent potiùs, ut fortes apparerent: quod præter Eustathium Ælianus annotavit. Sed Lib. vi. var. hist. cap. vi. tua hîc virtus, Magnanime Princeps, non minùs quàm vestis, Spartana erat: tua Purpura, velut victoriæ fiducia simul omnes animabat. Qui à longo ac difficili itinere armati magis, quàm vestiti erant, fortes fuêre: non homines, sed tanquàm scopuli ac rupes; ut & exciperent vim omnem hostium, & eliderent. Sperni pericula poterant; ubi corpora ipsa veluti arma erant, animi verò ultra corpora eminebant. Non ut viverent, sed ut

vincerent, pugnabant; rapturi
ab hoste, quicquid in itinere
consumptū erat. Agmina sic im-
mota, mox incendia facta sunt,
& flammarum quadē tempe-
state quicquid obvium esset, fre-
gerunt, dissipârunt, contriverunt.
Hoc erat, pro FERDINANDO Im-
peratore, pro FERDINANDO Rege,
pro FERDINANDO Cardinale di-
micare, pro Imperio, pro Reli-
gione; imò hoc erat, ancipitem
hactenus belli fortunam, bonæ
caussæ subicere. Sic milites: quid
duces? quasi milites essent.
Tu ipse, FERDINANDE, cum FER-
DINANDO Rege tam generosè im-
perio usus es, nullum ut pericu-
lum timueris, intrepidus, alacer,
&

& tanquàm pugnandi vetus. Sed tuus ille LEGANESIVS Marchio, totus nonnisi vigor & ignis, circumiens ordines, lustrans acies, & opportuna ubique subsidia collocans, quicquid prudenter, animosè, fortiter fieri solet, exsecutus est: prorsus, tanquàm cum vincendi modo victoriam simul indicaret. Fufis igitur fugatisque hostibus, sic duxisti exercitum, tanquàm pugnares semper, semperque vinceret. Longiùs etiam fugientium catervas fortuna traxit, ut continua strages esset, & victoria se cum famâ dilataret. Ita verò oportuit per gloriam ad Belgas proficisci. Iter enim tuum

nonnisi procelium fuit, via nonnisi
victoria, progressus nonnisi
triumphus. Pari calculo, & con-
fecta passuum millia, & hostium
poteras numerare. Vrbes ubiq;
aut captæ, aut deditæ sunt, pa-
tuerunt provinciæ, in obse-
quium venêre populi, donec ipse
ad tuos, Purpuræ tuæ radiis illu-
strandos, venires. Toto illo tem-
pore, tanquàm faveret natura,
ridere visa est; & sine imbre, ven-
to, tempestate Autumnum de-
dit, ut te crederent omnes non
sine numine proficisci. Noster
igitur nunc es, Felicissime FERDI-
NANDE, & nos tui. Tu imperio
noster, nos obsequio tui. Impe-
rium in Purpurâ læti agnosci-
mus,

mus, obsequium Purpuræ libentes devovemus. Hæc Regia est, & Regem Optimum Maximum, Orientis Occidentisq̃ue Dominum, divino quodam jubare circumfusum, præsentem ubique facit; Regem, quem Maximum dicimus, & Optimum experimur. Hæc etiam Sacra est, & Religione, velut sanctissimâ Reipublicæ lege, quid imperio tuum sit, quid obsequio nostrum, circumscribit. Quod tuum est, Regis est: non potest autem à Rege Religio, non potest à Religione Rex, non potest à Belgio Purpura separari. Hanc nunc demum intelligimus, quia te intueri datum est: hanc publice

cè ostendis, ut totum te noscamus. Frustrà ad imaginem eo, quæ quomodocumque vultum tuum exprimat, sacra est : ipsa Purpura tuâ plena quædam & absoluta tui imago est. Vnus hic color colores omnes facit, una linea omnes líneas, una natura omnem artem. Pingant te RVBENII, VANLONII, DYCQVII nostri, incomparabiles mutæ poëseos mystæ ; ingenium ac penicillum occupent, umbram lucemque misceant ; amplius in Purpurâ tuâ spectabimus. Referet Purpura, quicquid ne pingi quidem potest ; referet, quicquid admiramur magis, quàm cernimus ; quicquid non oculis, sed animis vide-

videmus. Etiam ludant, qui ver-
bis numerisq̃ue pingunt, & versu
amœni sunt, ævi nostri Virgilii,
Horatii, Ovidii, quorum VRBA-
NVS Pontifex Optimus Maximus
hodie Appollo est: ludant, in-
quam, & *ver Purpureum, Purpu-
reos flores, lumenq̃ iuventa Purpu-
reum* appellent; ætas hætenus
tua, quæ omnis laudis materia
est, vere suo, flore, lumine non-
nisi Purpura est, sed matura si-
mul, ac seria; virtute citiùs, quàm
tempore provecta. Animus tibi
annos facit, qui cùm naturæ ex-
cedat limites, non potest adoles-
centiæ dimensione coarctari.
Vir es, qui viris & fortibus im-
peras, qui puer nunquam fuisti:

L serius,

ferius, cū ludere per ætatem
posses; ephœbus, priusquā
adolesceres; magnus, cū parvus
esses; semper Purpureus, quia
Austriacus. Quod dixi, in Pur-
purâ nasci, nutriri, educari, Au-
striacum & tuum est: majesta-
tem simul cum vitâ assumere,
humanitatem cum luce, virtu-
tem cum veste, Austriacum &
tuum est: in rebus sive consul-
tandis, sive gerundis annos non
expectare, Austriacum & tuum
est. Proavus tuus (non enim pos-
sum ab his exemplis abire) CA-
ROLVS V. in quo tota familiæ for-
tuna fulsit, admodum Adoles-
cens, ex Arce, quam incolō, Lo-
vanienti, educationi Principum
ab

ab antiquo destinata, & ex disciplina HADRIANI, postea Pontificis, ad Orbem regendum transit: Augustus, & primâ adhuc lanugine decorus; ibi Cæsar, ubi adhuc Romani sunt; ubi Austriacum esse, satis est, ne defuisse aut virtus, aut fortuna Romanorum videatur. Avus item tuus PHILIPPVS, quem prudentiæ typum prudentes omnes appellant, tenerâ adhuc ætate tot regere provincias populosque potuit, quot enumerare difficile sit, belli pacisque in Orbe terrarum arbitri, qui plus divini quam humani animo possideret, vultu depromeret. Iam verò Pater tuus, eodem nomine PHILIPPVS,

ille ad pietatem & mansuetudinem natus, anno ætatis vigesimo vastissimam Monarchiæ molem suscepit, cùm anno VI. fratribus jam omnibus extinctis, inauguratus esset. Altioris ætatis, nescio an virtutis, opus erat, Maurorum reliquias, & maturam publico exitio prodicionem exilio punire: punit, sed juvenis; invitus quoque, quia à rigore & rugis adhuc alienus. Hoc enim bellum, non bellum, gessit, cùm viro proximus esset; præparavit, cùm infra sceptrum anni viderentur. Eâdem nunc floret gloriâ, & regnat flore invictissimus frater tuus, ille non minùs ingenio PHILIPPVS, quàm nomine; non minùs

minùs virtute Austriacus,quàm
 stirpe; cujus in Purpurâ nomen
 & ingenium, stirps & virtus ra-
 diorum quodam lumine & quasi
 luctamine coruscant. Natum,
 non factum Regem dixerim,
 attulisse non ætatem ad Purpu-
 ram, sed Purpuram ad ætatem.
 Nimirum quod multis est vive-
 re, hoc illi regere: omnis enim
 vita ejus Regno par fuit. A puero
 vir, ante virum Rex, cùm mores
 non annos adferret; citiùs castra
 disponderet, quàm deferi crepun-
 dia soleant; nulla haberet cre-
 pundia, nisi quæ arma essent.
 Hæc plenâ belli imagine (justus
 enim exercitus, & qui in ordines
 aciesque moveri posset, effectus

erat) ab Amitâ suâ, æternæ memorîæ Heroînâ, ISABELLA CLARA
EUGENIA è Belgio, velut belli sedē ac officinâ, muneris loco accep-
perat, ac totum ingenio militari Martem ludens, fortunam sibi formabat. Iam tum quoque
in simulacro velut pugnae, & fortis & VICTOR erat; quasi ab indole caperet, quicquid ab ætate expectaret. Ad te redeo, FERDINANDE, à quo non tamen discessisse videor; ad Purpuram tuam redeo, ut in ætate faciē in-
venerer, juvenilem in juvenili. Hæc enim, quid nisi Purpura? Purpura, sed lacte interfusa, ut Ennianum illud usurpem. Candor pudore tingitur, & in vultu
animus

animus jucundissimâ virtutum
& Gratiarum temperie formo-
sus est.

Tincta rubore genas natura Purpura Propertius.
vestit.

Ipse oculorum vigor, frontis
constantia, verecundiæ decor,
nihil nisi Regium, nisi Austria-
cum præferunt. Mixta severitate
ferenitas, majestate modestia,
maturitate amœnitas osten-
dunt, quàm pænè divinum sit,
in Principe hominem esse, hu-
manitatem esse: non esse Princi-
pem, qui cùm amari possit, ti-
meri affectet. Te qui vident,
non putant affectum satis esse,
ut animum explicent: emicare
vident, quod majori cultu ac ve-
neratione

neratione dignum sit. Ipsam in facie mentem vident, & Purpuram agnoscunt. Mentem puram, mentem pulchram, mentem Austriacam, & totâ honestate generosam : illam laude splendendam, quia omnem à se labem removet ; splendore laudabilem, quia umbræ nescia, totam se in libero lumine contemplatur, & invenit. Regis ac moderaris ipse dignitatem tuam, tanquàm Purpuram ; Majestatem tuam, tanquàm Purpuram ; naturam tuam, tanquàm Purpuram, & Sapientiæ munia usurpas. Dignitas vanitatem excludit, & à vilitate vita sejuncta est ; Majestas fastum, & à licentiâ familiaritas;

ritas ; natura vitium , & à corruptelâ educatio. Virtutes omnes in Purpurâ sunt ; sed tuæ sunt : ideo enim induisti Purpuram , ut sciremus tuas esse. Prima Religio est , & nōne Purpura ? Purpura hæc sacra est , & à Sacrorum Principe ac Religionis Capite profecta : Austriaca est , quo titulo Religionem ac pietatem comprehendo. Initia magnitudinis à pietate sunt , incrementa à pietate , fulcra à pietate. Hinc bella ipsa , quia non ambitionis , sed Religionis causâ suscepta sunt , pia sunt ; felicia etiam , quia pia : tracta alibi , aut impedita , sive hominum , sive temporum injuriâ , ut materia victoriæ cres-

M ceret,

ceret, & pleno Purpuræ splendore ac gloriâ bona vota triumpharent. Non alium finem Belgici hi tumultus tandem sortientur: non alio fine remedia sunt. Tua Purpura piæ causæ tessera est; tua pietas propitium numen faciet, & cæli tandem fidem, meliora fidere tuo promittentis fata temporum, liberabit. Vinces, FERDINANDE, vel in te potius Deus: Dei enim hoc bellum est, & tu Dei. Vinces, FERDINANDE, & pietate tuâ felices Belgarum populos facies: ideò enim pugnabis, ut facias. Victoria tua erit, quia Purpura tua est, quæ victoriam continet, quæ triumphantium olim apud Romanos fuit,

fuit, in maximâ semper lætitiâ
 usurpata. Plinius loquatur: *Pur-* Lib. ix.
pura fasces securēsq; Romana viam ca. xxvi.
faciunt, pro maiestate pueritia est, di-
stinguit ab Equite Curiam, Diis ad-
vocatur placandis, in triumphali mi-
scetur auro. Religioni Iustitia
 proxima est, sed Purpura est:
 ideo enim & Iudices, & Reges,
 qui summi Iudices sunt, Purpurâ
 utuntur; quia Iustitiam admi-
 nistrant, quia sanguinis, ut sic
 dicam, imperio præditi sunt,
 quia ipso colore potestatem si-
 gnificant. Tyrannos ipsos Pur-
 pureos ab Horatio dici non jam
 miror; hoc imperio, hâc pote-
 state abutuntur. Valeant isti:
 Reges, quia Iusti, Purpurei sunt,

& qui Regum nomine Iustitiam administrant. Quin & in provinciis hisce Belgicis tribunalia, dicaſteria, conſilia aliquando Purpurea erant: & adhuc prætorum poteſtas Purpureo, ſive virgato Iuſtitia Inſigni conſpicua eſt. Virga enim præferri ſolet, quæ, Servio, verba illa Virgilii *Virgatis lucent ſagulis* exponente, Gallicâ linguâ Purpura dicebatur. *Virgatis* ergò, ac ſi diceret *Purpuratis*. Nos etiam, & virgam, & colorem rubrum, ſub quo Purpureus continetur, eodem quaſi vocabulo efferimus hodie, totumque illud Irenarchæ ſatellitium, quod ad publicam itinerum ſecuritatem facit, *Virgam Rubram*

Rubram appellamus. Etiam Clementia Purpura est: quæ virtus cum ornamentum imperiorum sit, Principem maximè Principem facit, & Regem Regem: à tyranno enim utrumq; secernit ac separat. *Quid interest*, ait Seneca, *inter tyrannum & Regem?* *species enim ipsa fortuna ac licentia par* Lib. 1. de Clementia.
est, nisi quòd tyranni voluptate sa-
viunt, Reges non nisi ex causâ ac ne-
cessitate. Punit tyrannus, ubi posset parcere: parcit Rex, ubi punire posset, ubi venia quàm vindicta salubrior est, ubi citra severitatem securitas habetur. An adhuc dico? sed cum eodem Sopho: *Is, cui cura sunt uni-versa,*
quamquam alia magis, alia minùs

tuetur, nullam non Reipublica partem, tanquam sui nutrit, inclinatus ad mitiora; etiamsi ex usu est animadvertere, ostendens quam in-citus aspero remedio manus admoveat, in cujus animo nihil hostile, nihil efferum est. Qui potentiam suam placide ac salutariter exercet, approbare imperia sua civibus cupiens, felix abunde sibi visus, si fortunam publica verit, sermone affabilis, accessuq; facilis, vultu, qui maximè populos demeretur, amabilis, æquis desideriis propensus, nec iniquis acerbis, à totâ civitate amatur, colitur, defenditur. Eadem de illo homines secretò loquuntur, qua palam. Clementiam ecce describo; sed ipsam magis describere Purpuram videor: quæ unâ hâc virtute posset

posset Purpura esse, nisi omnes accederent. Præ reliquis tamen prudentia, vigilantia, fortitudo, temperantia, liberalitas locum hîc sibi vindicant. Prudentia Purpuræ quodammodò Purpura est, lux virtutum reliquarum & anima, belli pacisque ratio, consiliorum & negotiorum regula; quam si quis à Principe auferat, ex Principe Cyclopem faciet, & imperium ipsum exculabit. Prudentiæ velut soror vigilantia est: ideoque Principem Argum esse volumus, non tantum ut videat omnia, sed ut nunquam dormiat, occupatus semper & vigilans, ut ad quietem alii veniant. Purpura nisi
splen-

splendeat, Purpura non est: luce interim ac die opus, ut splendeat, quasi dicam, noctem à Principe & tenebras removendas esse, somnum ac torporem. Si quid Fortunæ tribuendum, hæc cæca est, & cæcam Purpuram facit: vigilet Princeps, & videre Fortuna incipiet. Vigilet, & se ostendet Principem esse. Verè idem Seneca: *Vltius demum Principis magnitudo stabilis fundataq; est, quem omnes tam supra se esse, quàm pro se sciunt: cuius curam excubare pro salute singulorum atque universorum quotidie experiuntur.* Quid Fortitudo? tota Purpuræ majestas est, sustinet ac fulcit quicquid regitur. Frustrà enim imperii vires,
nisi

nisi & animi sint, parique ro-
 re tam prospera, quàm adversa
 tolerantur. Gemino nónne Pur-
 pura colore temperata est? ru-
 borem vides, sed non potuit si-
 ne nigredine splendere: *Obscuri-
 tas rubens est*, ut verba Cassiodori
 repetam, & *nigredo sanguinea*: eo-
 dem modo verus se Princeps Lib. I.
Variar.
epist. II.
 habet; unus, sed bicolor; lætior
 prosperis, clarior adversis, Pur-
 puram non gerens tantùm, sed
 faciens. Temperantia verò pri-
 vata magis virtus quàm publica
 est, sed in exemplum publicum
 valet: hanc cùm induet Princeps,
 verè Purpuram induet; ac sui
 erit dominus, qui aliorum est; in
 potestate populos habiturus,

N

quia

quia voluptates. Quid denique liberalitas? Principis pulchritudo est, nec ullam esse virtutem arbitror, quæ amorem facilius ac benevolentiam subditorum conciliet. Ornari pulchritudinem posse, Purpura ostendit, ornari Purpuram posse, liberalitas. Ad summam, quæ nunquam perit Purpura, liberalitas est. Satis ista, ut Virtutes laudem; nec satis, ut Purpuram: Virtutes, sed tuas; è quibus quatuor tamen primariæ sunt; & quia Purpuræ Cardinalium propriæ, non frustra etiam *Cardinales* solent appellari: Prudentia, Iustitia, Temperantia, Fortitudo. Ad Purpuram igitur redeo, & ut eam magis

gis ornem, ad tuam. Adagio utar,
 & elogium nascetur. Etenim
 quod passim dici solet, hîc pecu-
 liare est : ἡ πορφύρεα πρὸς τὴν πορφύρεαν
 διαχειρία, *Purpura ad Purpuram diju-*
dicanda est. Etenim ut Vir viro
 præstat : ita Purpura Purpuræ.
 Alibi Purpura virum facit, alibi
 Vir Purpuram; alius capit orna-
 tum, alius adfert; alius tingit, ut
 sic dicam, alius tingitur. Fami-
 lias lustra, Purpuræ sunt : Au-
 striacam lustra, Tyria est, quæ
 vincit omnes, tanquàm stella fa-
 ces. Sed Purpura Austriaca, quia
 Sacra est, inter colores ignis est,
 inter Purpuras Tyria est, δὲ βαφα
 est, *his tincta*, & plenam laudem
 capit, facilè minores lanas velut

obscurans. Non frustrà Quin-

Lib. xii.
Inst. cap.
x.

tilianus : *Lana tincta fūco citra*

Purpuram placet : at si contuleris,
etiam lacerna conspectu melioris obrua-
tur, ut Ovidius ait. Si verò iudicium
his corruptis acrius adhibeas, ut bucci-
nis Purpuram ; jam illud quod fefelle-
rat exuat mentitum colorem, & quā-
dam vix enarrabili fæditate pallescat.

In medium profero pallium bre-
ve Purpureum lanestre, quod
Romæ in templo Iovis Capito-
lini fuisse Flavius Vopiscus scri-

In Aure-
liano.

bit. *Ad hoc cū Matrona, atque ipse*
Aurelianus Imperator jungerent Pur-
puras suas, cineris specie decolorari vi-
debantur, divini comparatione ful-
goris. Hæc igitur illa Sacra est,
quam cū ad te Summus Pon-
tifex

tifex singulari omnino ritu mitteret, formulam illam Regis Persarum, ad Aurelianum scribentis, usurpare potuit: *SVME PURPURAM, QVALIS APVD NOS EST.* Sumpsisti, quâ solennitate, câ felicitate, tanquàm universa tecum familia vestiri videretur. O diem illum lætum, & verè Purpureum, quem novus ille color tuus illustrabat! O lætam Urbem, quæ non aliàs pulchrior fuit, quàm cùm te Purpureum in ætate planè Purpureâ spectaret! Omnes in lætitiâ effusi, cùm pompâ caperentur publicâ, plus tamen tuâ unius pietate movebantur. Purpuram hanc esse, & Eminentem unusquisque

deprehendebat: Sacram esse,
Religiosā ipse maiestate testa-
baris. Nemo magnificentius lu-
minis hunc honorem admisit,
nemo religiosius induit: feceras,
ut quid esset Purpura, omnes
cernerent; quid Sacra, si Austria-
ca fieret; vel potiùs quid Au-
striaca, si fieret Sacra. Plures sunt
Purpuræ, una Austriaca: Vnus
jam Austriacus, qui ut inter suos
emineret, Sacram assumpsit. Sed
olim alius Purpuræ nitor erat,
alius muricis, alius buccini, sive
κίχουκ; ; quamvis conchæ hæ
omnes, & è turbinatorum ge-
nere. Ipsa quoque Purpura loco,
colore, proprietate, pretio, ætate
distincta erat. Locum intelligo,
non

non tantum ubi nasci solet, sed etiam ubi tingi. Vt Tyria sive Sarrana, Laconica, sive Oebalia, Hermionica, Tarentina, Coa, Melibœa, passim apud Scriptores. Præcipuæ tamen præcipuas Orbis partes occupant, Plinio scribente, *Tyria Asiam, Laconica Europam, Meningia & Getulica Africam.* Romanam nunc addo, quæ Sacra est, & vice Tyriæ; ut cæteris præferatur, & ubiq; sit. Color quoque varius ostri nomine, Solis cursu temperatus, & ratione loci: Ater, lividus, violaceus, ruber. Ex Aristotele id Vitruvius scribit. *Itaque quod legitur Ponto & Galliâ ostrum, quod hæ Regionēs sunt proxima ad Septentrionem,*

Lib. ix.
ca. xxxvi.

Lib. vii.
cap. xiii.

trionem, est atrum: progredientibus inter Septentrionem & Occidentem, invenitur lividum. Quod autem legitur ad Æquinoctialem Orientem & Occidentem, invenitur violaceo colore. Quod verò meridianis regionibus excipitur, rubrâ procreatur potestate, & ideo hoc rubrum Rhodo etiam insula creatur, caterisque ejusmodi regionibus, quæ proxima sunt Solis cursui. Solem hîc quid nisi Pontificem fateamur? Largitur ille Purpuram, sed Sacram; Sacram, sed rubram; rubram, sed Romanam. Largitur unam omnibus; sed non unam omnes accipiunt. Vt lana est, etiam Purpura splendet: sed lana aptissima, quæ alba est, Purpura splendidissima, quæ rubra

rubra est, sed aliquantulum nigricans, tanquàm aliquid ignis inter flammam & fumum lucentis habeat; attollenda, ut splendore suo conspicua sit, oculosq; intuentium perstringat. Augustus, ut est apud Macrobi-
Lib. II. Saturn. cap. IV.
 cum de Tyriæ Purpuræ, quam emi jusserat, obscuritate quæ-
 retur, jussus est erigere altiùs, ac suspicere. Ludens verò, *Quid*, inquit, ego, ut me *populus Romanus* dicat benè cultum, in Solario ambulaturus sum? Seria igitur Senecæ
Lib. I. cap. V.
 verba sunt, in Naturalibus Quæ-
 stionibus, sunt etiam quidam colores, qui ex inter-Vallo vim suam ostendunt. Purpuram Tyriam, quò melior saturiorq; est, eò oportet altiùs teneas,

O

ut

ut fulgorem suum ostendat. Tyriam
hîc quoque dico coloris saturi-
tate Sacram esse: sed ut attolli
possit, & verè conspici, Austria-
ca fiat necessum est: ut splende-
re possit, sic attollenda est. Ete-
nim postquam Sacram induere
Austriaci cœpêre, Romanæ
majestas Ecclesiæ novo quasi
igni refulsit. Austriaci, qui Opti-
mî Maximique sunt, & ubique
terrarum à se lumen habent.
Nulla hæctenus familia surrexit
altior, nulla validioribus adver-
sus casum fulcris subnixa est.
Alibi virtutem fortuna ducit,
hîc virtus fortunam: alibi Pur-
pura splendorem dedit, hîc acce-
pit. Alibi Sacra, hîc Regalis &
Sacra:

Sacra: pulchrior etiam, quia quæ
 Regalis est, Sacra esse coepit, &
 novum à Sole suo, id est Pontifi-
 ce, splendorem capit. Hæc enim
 Purpuræ, sed Tyriæ natura est:
gaudet, scribente Iulio Polluce, pe- Lib. I.
culiariter Sole. Callestis enim ignis ra- cap. II.
dio percussa, augustior splendidiorq;
redditur. Ad ALBERTVM redeo, sed
 Austriacum: ostendit se Cardi-
 nalem esse, assumpsit Purpuram,
 & vitam ab omni alienam nævo
 egit: exuit Purpuram, & pietatē
 retinuit; post vestem animi
 constantiâ Purpureus, ut semper
 pius esset, & hoc nomine veri
 officium Principis omnibus in-
 culcaret. Imò ad ANDREAM re-
 deo, sed Cardinalem: ostendit se

Austriacum esse: non vestem tantum, sed virtutem quamdiu vixit, retinuit; ut nunquam moreretur: qui cum Belgium regeret, etiam inter arma mitem se ostendit; cum Protector Imperii esset, à nomine & familiâ subsidia dignitati attulit. Tua nunc Serenitas reddit Belgis Purpuram, quam amiserant; reddit Purpuræ pretium, quod summum esse non poterat, nisi Sacra illa tinctura, Austriaca rursus esset; in Ecclesiâ & Republicâ Christianâ resplenderet. Terrâ, FERDINANDE, major es: cælum comprehendis. Efficis divinâ indole tuâ, Regis frater, Regis filius, ut quia ad Austriacos Purpura

pura redit, quæ Sacra est, verè
 Eminentissima dicatur; sed verè
 splendere incipiat, quia Eminen-
 tissima facta est. Animi tui ma-
 gnitudo Regia est; si nec id satis,
 Sacra est; si nec id, Austriaca, &
 infra se fortunam collocavit. Fe-
 lices nunc igitur Belgæ, regi fa-
 ciles, quia in eâdem Purpurâ &
 divinitatem, suo lucentem colo-
 re, admirati suspiciunt, & blan-
 dientem simul suspicientes hu-
 manitatem admirantur. Proprie-
 tas varia est, & variam contem-
 planti materiam suggerit. Men-
 te manuque mundâ tractandum
 esse florem Purpuræ, satis in
 principio exposui: ideo enim
 florem dici, ideo esse Purpu-

Li. xxxii.
cap. vi.

ram. Sed *contra venena prodesse*,
Plinius indicat. An frustra? Vitia
Religionis & Reipublicæ vene-
na sunt: his verò edomandis &
Purpuram, & potestatem suam
opponunt Austriaci: ideo ma-
gni, ut omnes sani ac securi sint;
felices ac læti. Amplius: Semel
lanâ receptum pelagium, elui
nequit: *nescit antè subtrahi*, ut cum
Cassiodoro dicam, *quàm vestis*
possit absumi. Id & Lucretius an-

Lib. i.
var. cap.
ii.

Lib. vi.

notavit:

*Purpureusq; colos conchylii mergi-
tur unâ*

*Corpore cum lanæ, dirimi qui nec
queat unquam,*

*Non si Neptuni fluctu renovarè
operam des,*

Non

*Non mare si totum velit elucere
omnibus undis.*

Vt Purpurâ, sic gloria Austria-
corum est, semel parta, ut æterna
sit, semperque splendeat, non
tempori, non fortunæ cedens.
Maria concitent & tempestates,
qui satis è terrâ infesti non sunt,
ut noceant; frustra erunt. O-
mnes ubique Serenitate Austria-
câ inferiores undæ sunt: purpu-
rascent ipsæ citiùs, quàm Purpu-
ram inficiant. Moveant omnia,
cælo tamen obnoxie erunt: quid
tandem? ignem Austriacum in
ipsis deprehendent aquis ardere.
Pretium sequitur, & loci ratio-
ne, & coloris æstimandum: quod
totum Tyriæ tribuitur, Stra-
bone

Lib. xvi. bone teste : πολὺ ὃ ἐξήτασαι πασῶν ἡ
 Tyria καλλίστη πορφύρεα : *Longè enim*
omnium præstantissima habetur Pur-
pura Tyria. Hanc apud Athenæum
 Lib. ix. Theopompus tradit, *olim Regi-*
 cap. *bus expetitam fuisse, tanti quidem pre-*
 xxxix. *tii, ut aequali argento penderetur.* Ro-
 mæ priùs violacea erat, postea
 Dibapha. Violaceæ libram de-
 nariis centum vænisse, Plinius
 scribit; Dibapham verò in libras
 denariis mille non potuisse emi.
 Dibapham igitur Austriacam
 voco, cui Sacra accessit: Eminen-
 tissimam voco : quo vocabulo
 VRBANVS tandem VIII. univer-
 sum pretium complexus est;
 cùm fatis etiam non esset, à splen-
 dore Illustrissimam appellari. Ad
 ætatem

ætatem venio, quam & in Purpurâ Antiqui admirati sunt. Plutarchus narrat, *Sufis captis, inter reliquos admirandi pretii thesauros in-* In Alexandro.

gentem Purpura Hermionica vim incuentam esse, annorum centum nonaginta, sed pleno adhuc & recenti flore. Id miratus verò cùm sciret in menses vix senos integrum & sine mangonio Conchilii contusi ostrum conservari, causam assignat, τὸ τὴν βαφὴν διὰ μέλιτος χιτέας τῶν ἀλβεγῶν, δι' ἐλαίας δὲ λευκῆ τῶν λευκῶν,

Quòd tinctura melle fiat in puniceis, oleo verò albo in candidis. An igitur & Purpuræ aliquæ candidæ sunt? non magis quàm sanguis. Candor hîc ad corticem Conchylii, non ad succum referendus

P est:

est: quod Viris Doctis placuit.
 Candidâ enim Purpuras testâ
 inveniri, cruorem semper cruo-
 rem esse, ac naturâ suâ rubêre.
 Oleo quidem quomodò Pur-
 pura conservetur, alii disputent:
 colant Purpurati pacem ac tran-
 quillitatem, quæ oleo denota-
 tur; & diuturnam Purpuram,
 stabile regnum facient. Melle
 misceri Purpuram etiam Vitru-

Lib. vii.
 cap. xiii.

vius docuit: *Ostrum autem propter
 falsuginem citò fit siticulosum, nisi mel
 habeat circumfusum.* Hinc quoque
 non inveniunt Varro scribit, He-
 raclidem Ponticum plus Sapien-
 tiæ habuisse, qui comburi vole-
 bat corpora, quàm Democri-
 tum, qui in melle conservari.

Magnam

Magnam enim illius caritatem
 secuturam. Dabunt apes Purpu-
 ram, quæ melle conservetur: qui
 evexit hodie Purpuram V^RBANVS
 VIII. Pontifex Optimus Maxi-
 mus, longævam & perennem fe-
 cit: qui mella gerit, evehere po-
 tuit. Sanè quoties familiam gen-
 tititio insigni indicat, apes osten-
 dit: ingenio & eloquio totus
 melleus, totus Purpureus, totus
 floridus, totus non sanguineus,
 sed Sanctus, Purpuratorum Pa-
 trum Princeps, Pater omnium.
 Non omnes gerunt Purpuram,
 omnes tamen unius filii sunt.
 Non omnes qui gerunt, Reges
 sunt; splendent tamen instar Re-
 gum, quia sacratione decorantur

majestate. Ipsi hinc sciunt Reges, benigno, suavi, melleo se imperio diuturnum Regnum facere, & longâ nepotum serie in sæcula propagare. Melleus erit, qui Clementiæ memor, amari, quàm timeri malet; securus esse, quàm formidolosus; misereri, quàm irasci. Non terreat subditos, sed à vitiis absterreat; colore, quàm supplicio pulchrior; affectu, quàm severitate. Occasione ætatis dicta hæc sunt: sed in tuâ Purpurâ, quæ loco Romana est, colore Dibapha, proprietate salutaris, pretio Sacra, ætate Austriacâ: in tuâ, inquam, Purpurâ quantum floris, tantum felicitatis est; quantum salutis, tantum gloriæ;

gloriæ; quantum laudis, tantum
 luminis; quantum ostri, tantum
 exempli; quantum temporis,
 tantum æternitatis: quæ omnia
 ad eos quoque se extendunt,
 quos regis, imò per quos regis.
 Vtrique tui sunt, & Purpurâ tuâ
 læti lauti que: hi verò, quia gra-
 du, curâ, labore proximi, aliquid
 etiam Purpuræ habent, sive Do-
 mesticos, sive Aulicos, sive Pala-
 tinos, sive rerum & consiliorum
 ministros debeam appellare.
 Alexandrum hîc cernere videor,
 Philippi Filium, illum non minùs
 ætate, quàm Purpurâ floridum,
 & tamen magnum: non se puta-
 vit Alexandrum esse, nisi & in
 Amicis, Custodibusque splen-

deret. Etenim ut verè Rex esset,
verè Magnus, circum se plures
videre Reges voluit, voluit non
alià suos veste uti, quàm ipse
gestaret. Quos fidos, fortes, &
uno verbo, suos habebat, jussit &
Purpuratos esse: jussit, ut sic di-
cam, Reges esse, ut suos appella-
ret; summo ornatos cultu ac
pretio, ut quemadmodum in
Ephæstione Sisygambis Mater
Darii erraverat, plures & He-
phæstiones, & Sisygambes es-
sent, in non uno plures decipe-
rentur. Sed Purpurati tui, pru-
dentiâ, fide, obsequio Purpurati
sunt: virtutem, tanquàm *φοινίδα*
habent: tuam venerantur Pur-
puram, & sic gerunt. O lumina!

ô decora virorum! Sed proximus, intimâque familiaritate carus, Vir ille Dei est, suavissimâ Patris appellatione omnibus venerabilis, IOANNES A S. AVGVSTINO, augustum Ordinis Augustiniani nomen; cui uni & Purpuram tuam, & quod majus est, conscientiam, Religiosissime FERDINANDE, submittis, quoties sanctissimo ad Deum mysterio accessurus, animi penetralia expias. Hic ille Vir est, ille Pater, qui saluberrimo eloquio, & Christianâ prudentiâ, doctrinâ, pietate meruit, ut in Hispaniâ à Sacris Regi concionibus, in Belgio à summis imperii consiliis esset; niveam ore, si dicendum est, fundens

dens verborum Purpuram ; si
agendum , plenam pectore &
exactam rerum maturitatem.
Fulgentissimus omnium splen-
det, animo, non Conchylio; glo-
riâ, non Purpurâ, AYTONÆ Mar-
chio MONCADA , Aulæ & belli
summus Præfectus , qui totus
ex virtute compositus , ut maxi-
mè tuus esset , Belgium tibi ho-
stilibus obsessum armis , clau-
sumque, feliciter aperuit, tuum-
que fecit. Splendore prorsus he-
roïco ad hanc accedit gloriam
LERMENSIS Dux, magna Consilio-
rum pars, magna Armorum: qui
vitam solâ virtute æstimat ; vir-
tutem, quæ magnitudini Regiæ
impenditur. Plures in hâc classe
Martis

Martis heroïcâ laude Duces,
Præfecti, Tribuni sunt, & à Pur-
purâ splendorem trahunt; sed
suis seorsim, & suo loco, elogiis
exornandi.

Quid ROSA Purpureo crescens ru- Virgi-
bicunda colore? lius.

ROSA, amor ac delictum Viri,
Consiliorum lumen, negotio-
rum columen, major munere
suo, quamvis summo, quia quic-
quid laudari potest, attulit: quem
cùm posteri inspicient, unius
exemplo sæculi contenti erunt;
ac fatebuntur, etiam in Belgicis
Petris nasci Purpuram potuisse.
Quid Sanctioris Ærarii Illustris-
simi Præfecti? Thesauri in the-
sauris, aurum & gemmæ Purpu-
rarum?

rarum? Ordines ipsi Patriæ ter-
geminum submittunt splendo-
rem Purpuræ tuæ, & ad Purpu-
ram ipsi quodammodò assur-
gunt. Quid Sacri Antistites? suo
vel colore, vel munere specta-
biles?

*Lato Purpurea resplendent lumine
mitra,*

*Nigra micant tenebris velleræ
tristitia.*

Sed cedat tristitia, satis jam luxi-
mus: succedat gaudium, quic-
quid in ISABELLA amisimus, in
FERDINANDO recuperamus. Illa
cælestem induit Purpuram, &
ad gaudium vocat: tu, quia
tristitiæ nubem eliminas, tuos
vocas ad Purpuram, quam in
luctu,

luctu, more prisco, posuerant.
 Vocas ad munia solita, ut se sciant
 tuos esse, & renovatis auspiciis,
 in Aulâ & Republicâ occupen-
 tur. Ministri tui, familiares, cu-
 stodes quidni Purpurei sint? Tot
 sanè manus tibi, quot ministri,
 ut regas omnia; tot aures &
 oculi, quot familiares, ut scias
 omnia: tot custodes corporis,
 quot cives, ut ameris ab omni-
 bus. Non te constringam uno
 Lare, aulâ, palatio. Lar tuus af-
 fectus populorum est; aula tua,
 ipsa Respublica; palatium tuum,
 Belgium universum. Nullis li-
 minibus coarctatus, nullis parie-
 tibus circumscriptus, nullis ady-
 tis secretus aut abditus, in

Q² omnium

omnium habitabis animis, quæ pulcherrima & augustissima domus est. Illa Purpura tua, ubicumque scintillabit, conspicuum te faciet; in die ac luce ponet. Voles ipse quæcumque dicēs ac facies patēre omnibus, & publica esse; voles omne in exemplum transire imperium; voles omnem benevolentiam potestatem, clementiam rigorem, salute severitatem mitigare, & notam esse: voles arcana tantum & secreta esse, quæ in hostem consultabis; quæ facta esse quam fieri, citius fama intelliget. Sic verò in publico opera tua erunt, consilia in occulto: fient consilia opera, quia tegi & occultari poterunt.

Vbi

Vbi lumen est, involucrum quæ-
res; ut quæ semper & ubique
splendet Purpura, aliquid hîc
caliginis habeat, desinat curio-
sis, & sic hostibus lucere. Desi-
nat? sed magis incipiat, cùm in
signum belli & pugnae, Romano
more, extendetur. Hoc vexillum
illud Purpureum erit, hoc ve-
lum tunicæ formâ (κόκκινον χιτῶνα In Fabio.
Plutarchus, & φοινικῆν appellat) In Bruto.
quod è tabernaculo ducis efferri
olim solet: hoc colore animari
tut poterunt, hostes terreri.
Quemadmodum verò tunicam
istam homines: ita apud Ho-
merum Dii, pugnaturi scilicet,
Irim habuere.

Ἡὐτὲ πορφυρέην ἔχεν θνητοῖσι τανύσση Iliad.

Q 3

Ζεὺς ἰ.

Ζεὺς ὅς ἐστιν ὀφθαλμοῖσιν, τέρας ἑμυδραὶ ἢ πολέ-
μοιο,

Ἡ καὶ χαμῶν ὀδυσαλπίς. —

*Sic ubi Purpuream de cælo Iuppiter
Irim*

*Demittit, signum aut belli morta-
libus agris,*

Aut tempestatis gelida. —

Non te possum, FERDINANDE, nisi
cum Diis ponere: Purpura tua
Iris erit, belli signum, tanquàm
tempestatem daturus sis; tem-
pestatis signum, ut sciant hostes,
quale deinceps bellum exspe-
ctent. Promptos ac animosos
habes milites, eo prætereà colo-
re insignitos, qui virtutis mili-
taris admonet; eo ornatu, quo
non fortes tantùm ac strenui,
sed

sed felices sint, pari & pugnam
 fiducia, & victoriam capeffant.
 Cinguntur Purpurâ, ut sciant se
 Regios & Austriacos esse: splen-
 dent sanguine, ut gloriâ accen-
 dantur; ut periculum, quàm
 otium malint; vincere, si alteru-
 trum eligendum, quàm vivere;
 mori, quàm vinci. Cristis bal-
 theisq̃ue Purpurei sunt: Purpu-
 ram pileis galeisq̃ue gerunt, tho-
 racibus ac loricis, sed Austria-
 cam; & quia stipendia sub Au-
 striacis faciunt, dignos se Pur-
 purâ ostendunt. Cristæ sic qui-
 dem antiquitus usurpatæ, quem-
 admodum de Turno Poëta:

Lib. ix.

— *maculis quem Thracius albis*

*Portat equus, cristâq̃ tegit galea au-
 rea rubrâ.*

Tales

Tales cæteri quoque Rutuli,

Ibid.

*Purpurei cristis iuvenes, auroq; co-
russi.*

Lib. IV.
Biblio-
theca.

Tales peculiari laude, ut Diodo-
rus Siculus testatur, Celtiberi,
Hispaniæ populi, & ad militiæ
splendorem nati: *ἄλλὰ δὲ τὰς κεφα-*

*λὰς κερὶν χαλκᾷ πετίθενται φοινικοῖς ἡσκη-
μύα λόφοις: aneas capitibus galeas im-*

*ponunt, cristis puniceis exornatas. Ad
balthæa mirum in modum verba*

Lib. de
modo
rectè vi-
vendi,
Doctri-
na I.

*Dorothei faciunt, ut Latinè ha-
bemus: Habet unusquisque Regi mi-
litans Purpuram in lanâ suâ. Ex quo
enim Rex Purpuram ferre cæpit,
omnes ejus milites sagulis suis Purpu-
rea signa apposûere; ut ex his appareat,
Regios eos esse, & Regi commilitare.
Sed tui, FERDINANDE Bellicosissi-
me,*

me, ex omnibus ferè gentibus
 Europæ collecti, quia tui, Pur-
 puram suam merentur; imò quia
 tui, verè milites sunt. Tot Iri-
 des semper, quot acies explica-
 turi, terrorem incutient hosti-
 bus, ut victoriam extorqueant:
 quemadmodum fractis animis,
 facili Marte vires superantur.
 Deus adierit, minas & tempesta-
 tes diriget, consilia & arma. Fa-
 ciet, ut prospera utraque sint; ut
 correctis, quæ in Rempublicam
 ac Militiam irreplerunt, vitiis,
 disciplina victoriam pariat, pu-
 gna pacem, gloria felicitatem.
 Præliare, & vinces: vince, &
 quantum gloriæ ipse capies, tan-
 tum populi felicitatis. Omnes,

R omnes,

omnes, quotquot sub imperio
exultant Regio, studia & subsi-
dia sua conferunt; quotquot
sub hostili gemunt, desideria ac
vota. Aliquam & ego partem
tuorum inter Belgas constituo,
munere hætenus Regio ac titu-
lo ingenium, stilum, vocem
publicè occupans. Si fas dicere,
& ego aliquid Purpuræ tuæ hau-
si, quam officioso nuper sermo-
ne, cùm Lovanii obsequia mea
dedicarem, veneratus sum, mo-
dico ornatu, immenso affectu.
Quod feci, rursus facio, tanquàm
favore tuo incitatus; tantò bre-
vius, quantò laudabilius est, re-
verentiam, quàm facundiam a-
pud proximos Deo Principes
profi-

profiteri. Dicenti Benignitas tua propitia fuit: scribere quæ dixi, aut partem eorum quæ dixi, quid ni audeam? Rursus igitur Sacram Purpuram tuam veneror, rursus Purpuræ tuæ Palladem meam, imò Regiam offero. Meam, quæ eruditionis ac Litterarum est; Regiam, quæ Arcis & armorum est, & in tuam nunc tutelam transit. Illa mea, tota mitis, quieta, simplex, & Sapientiæ, artes omnes bonas complectentis, amabilis imago est. Illa verò Regia, quamvis Martialis, pacem tamen spirat, & in Antiquâ sede suâ, tanquàm Attica Liberalium Studiorum Acropoli, arma deposuit. Potuit, post noctem tem-

porum, me tandem Præfecto, amœna esse, quemadmodum loci genius amœnus est; Potuit, semoto Marte, Musas & Gratias in contubernium suum admittere, postquàm instaurare ruinas & ausus, & aggressus sum. Ut Arcem igitur offeram, Palladem offero:

Virgilius.

----- *Pallas, quam condidit Arcem,
Ipsa colit.*

Offero Palladem, sed Atheniensium exemplo, qui Antonio Triumviro, Liberi Patris habitu & comitatu ad se venienti, Palladem suam in uxorem obtulerunt. Admisit ille, ut blandientium delicias æstimaret; sed dotem simul mille talentum exegit,

git, ut divina sponsalia pleno
 prorsus pretio nobilitarentur.
 In uxorem? imò in sociam, ut
 sic dicam, vitæ & consiliorum,
 & quemadmodum Vlysses eam
 Homericus habuit. Si & munere
 mulctandus sum, permitte quæ-
 so, Serenissime Princeps, ut ipse
 munus fiam, ut quicquid inge-
 nio, stilo, voce possum, in munus
 computem. Non dabo talenta,
 & liberalis ero: vincam alios,
 quia nihil mihi relinquam: quic-
 quid enim dare possum, inge-
 nio, stilo, voce concludo. Dabo,
 quod pauci fortassis æstiment,
 apud te verò summum erit; quia
 à posteris demum pretium acci-
 piet. Dabo quod meum esse in-

cipiet, quando non ero: tuum autem nunquam esse desinet, quia semel coepit. Sed quicquid promitto, jam tuum est, quamvis meum appellem: meum labore, tuum favore. Irrigandus enim labor est, ut fructus subsequatur: quemadmodum hominis manus in agro colendo sterilis est, nisi divinum munus accedat. Etenim Litteræ omnes, & quicquid ingenio constat, patrocinio alitur: tanquam suum felix Princeps sæculum faciat, si ad se putet fomenta Litterarum ac Sapientiæ pertinere. Nisi in Republicâ Litteræ sint, tenebræ sunt: sed Sole opus, ut Litteræ luceant: Principe opus, ut prisco
&

& glorioso exemplo velit Mæcenæ esse. Te, FERDINANDE, Solem dico, te Mæcenatem appello ; à tuâ Purpurâ non Reipublicæ tantùm, sed & Litteris splendor accedet ; & Reipublicæ, quia Litteris : à tuâ Purpurâ, ut formulas meas repetam, quia Austriaca, quia Sacra, quia Regia : quam ut familiariùs colam, à Benignitate tuâ ; ut liberaliùs eveham, à modestiâ impetrabo.

Omnis igitur oratio mea FERDINANDVM exprimet, omnis scriptio mea FERDINANDVM repræsentabit. Audientur laudes tuæ, nec aliæ aurium deliciæ erunt ; legentur, nec aliæ oculorum. Audebo, dum Purpuram tuam
veneror,

veneror, non uni populo, non
uni sæculo ostendere, ingenii
tibi cultum curæ esse, Viros in
Belgio eruditos tuo affectu eri-
gi; eo denique jam loco doctri-
nam esse, ut quamminimùm aut
fortunæ, aut hominum proter-
viam timeat; eo Rempublicam,
ut sperare felicitatem possimus.
Corriges quæ prava sunt, emen-
dabis quæ corrupta, restitues
quæ lapsa. Ad Regulam mores,
ad modestiam vestes, ad splendo-
rem artes venient: cultus luxum
pellet, pudor petulantiam, mo-
destia lasciviam. Rerum omnium
norma ac regula Purpura tua
erit, imperio valida, ut jubere
possis; exemplo benigna, ut malis
invitare.

invitare. Purpura,inquam, tua,
 sed Sacra,quæ potens quædam
 pietas est;sed Regalis,quæ piam
 potentiam continet. Assêres
 Deo quæ Dei sunt, & religione
 constant, huc Purpura facit:Re-
 gi,quæ Regis sunt, quæ jure ni-
 tuntur, & huc facit. Vna est Pur-
 pura,& gemina est;ut unam esse
 causam sciamus & Dei, & Re-
 gis. Vna Purpura,sed Austriaca,
 quæ & Sacram & Regalem
 comprehendit. Quare pro Deo
 pugnabit Purpura tua, ut Reli-
 gio resplendeat : pro Rege, ut
 jura majestatis cum salute Rei-
 publicæ conjungantur. Deus
 adest, quem non videmus : Rex
 adest, quem in te videmus. Ali-

S quid

quid hîc Dei Rex habet, ubique
Rex est; hîc præsens maximè,
ubi præcipuè pugnat. Exserit
ubique & ostendit potentiam
suam, magnitudinem, fortunam:
hîc seipsum. Ergò quanti Bel-
gium fecerit, si nescire potui-
mus, hinc jam potissimùm disci-
mus; quòd alias Orbis terrarum
partes ac provincias per Duces
& Purpuratos suos regit, qui di-
verso omnes gradu, sed te mino-
res sunt; Belgium verò nostrum,
per fratrem, tanquàm per se.
Majorem certè & meliorem
mittere non potuit: misit eum,
qui proximus sceptro, & quo-
dammodò æqualis est, non aliâ
conditione inferior, quàm quòd
nascendi

nascenti ordine secutus. Quid tandem? Misit Purpuram, amoris sui pretium, ille novus non in uno Orbe, sed gemino Hercules; & hâc se Belgicâ, velut nova Tyrus, capi fatetur. Præsentem sic igitur habemus Regem, quia te: Regias tecum vires, Regiasq; Virtutes attulisti. Sed quemadmodum publicam lætitiâ privato expressi gaudio Sacram Purpuram tuam veneratus: ita omnium vota, meis etiam præcationibus prosequar: Ut tenebis Deus incolumem, lætum, florentem servet: in multa longævum sæcula conservet, virtute, fortunâ, gloriâ eminentem servet, & conservet. Spes omnium

in te uno sita est : animi Belgarum in te uno. Suum te Amorem, suum præsidium, suum decus habent ; Lucem præterea ac voluptatem suam Purpuram tuam appellant. Plura quid attinet dicere? cedit eloquentia Purpuræ, lingua luci. Faciet Deus, quæ dicenda erant : & lætum consiliis imperium tuum , prosperum viribus bellum, gloriosam victoriis atque triumphis Purpuram efficiet : quam cum timere hostes incipient, vel inviti adorabunt ; ut incipiant verò, Germania, tuo beneficio ad lætiorem assurgens fortunam, monet. Interim nos te pugnantem in Belgio per media sequemur

mur discrimina, ut ad publicam
rerum pacem, quam benignitas
fiderum tuorum universæ pro-
mittit Europæ, veniamus; pro
Rege & Religione fundere pa-
rati, quod in Purpurâ tuâ vide-
mus.

MEO ORE, AFFECTV OMNIVM;
MEO AFFECTV, OMNIVM ORE
DICTA HÆC SVNTO.

VIRGILIUS.

PVNICEIS *invecta rotis* AVRORA Lib. xii.
rubebit.

S 3 PVR.

P V R P V R Æ
 V E T E R I S
 R E L I Q V I Æ S E L E C T Æ,
 Q V Æ
 A d l u c e m A V S T R I A C Æ f a c i u n t.



VRPVRA hæc igitur AV-
 STRIACA est, Sacra est;
 quam cum describerem,
 profanam esse & sepiam,
 & quicquid non purpurasceret, arbi-
 tratus sum; ostrum atramento viola-
 ri. Ad tristes sic quidem, & hostes no-
 ctis color ablegandus est: nos in publico
 decet gaudio latos ac floridos esse, luce
 & laude Purpureâ Principem planè
 Purpureum venerari. In honore an-
 tiquitus χρῶσιν istam fuisse, & ad Lit-
 teras

*teras translata, Rubricarum aucto-
ritas testatur. Leges, & tituli splendē-
re minio solent, cocco indices, Purpurâ
ipsi libri. Et minium quidem, Plinio* Lib.
teste, in voluminum quoque scri- xxxiii.
pturâ usurpatur, clarioresque cap.vii.
*Litteras, vel in auro, vel in mar-
more, etiam in sepulchris facit.
Addo, quod mireris: & hîc scire opera-
pretium sit: Iovis ipsius simula-
chrum diebus festis Romæ mi-
nio illini solitum, triumphan-
tiumque corpora: imò sic Ca-
millum triumphasse. De cocco, &
Purpurâ Martialis, ad librum suum:* Lib. iii.

Cedro nunc licet ambules perunctus,
Et frontis gemino decens honore
Pictis luxuriâs umbilicis:
Et te Purpura delicata velet,
Et cocco rubeat superbus index.

Sed

Sed noster hic liber, quia argumento Purpureus, rubere sine vitio potuit: ut si legeres Purpuram, simul & videres. Legeres veterem, videres novam: in vetere novam, ut sic dicam, adumbratam. Non omnia, quæ allu- bescere poterant, dicere opportunum fuit: & quia Baysius nuper, Rondeletius, Gesnerus, Aldrovandus, aliiq; industriam suam professi sunt; satis mihi, Imaginem Principis Purpuræ, quantum fieri potuit, repræsentare. Ut argumento tamen satisfacerem, reliquias pauculas veteris Purpura collectum i-vi, quibus siquid in Imagine fortassis obscurum esset, illustraretur.

CASSIODORVS
LIB. I. VARIARVM EPIST. II.

THEONI V. S. THEODERICVS REX.

COMITIS Stephani insinuatione com-
perimus, Sacræ vestis operam quam vo-
luimus necessariâ festinatione compleri, dis-
rupto magis labore pendere : cui usum sub-
trahendo solennem, abominandam potius
inferre cognosceris tarditatem. Credimus
enim aliquem provenisse neglectum, ut aut
crines illi lactei, carneo poculo bis terque sa-
tiati, pulcherrimâ minùs ebrietate rubuerint,
aut lanæ non auxerint adorandi muricis pre-
ciosissimam qualitatem. Quapropter si per-
scrutator Hydrontini maris intusa conchilia
solenniter condidisset apto tempore, acervus
ille Neptunius generator florentis semper
Purpuræ, ornator solii, aquarum copiâ reso-
lutus, imbrem aulicum flammeo liquore
laxaret. Color nimio lepore vernans, obscu-
ritas rubens, nigredo sanguinea, Regnantem
discernit, dum conspicuum facit : & præstat
humano generi, ne de aspectu Principis pos-
sit errari. Mirum est, substantiam illam morte
confectam, cruorem de se post spatia tam

T

longi

longi temporis exsudare , qui vix solet vivis corporibus vulnere sauciatis effluere. Nam cum sex pænè mensibus marinæ deliciæ à vitali fuerint vigore separatæ, sagacibus naribus nesciunt esse gravissimæ: scilicet ne sanguis ille nobilis aliquid spiraret horroris. Hæc cum infecta semel substantia perseverat , & nescit antè subtrahi , quàm vestis possit absumi. Quod si Cónchiliorum qualitas non mutatur , si torcularis illius una vindemia est, culpa nimirum artificis erit, cui se copia nulla subtraxit. In illis autem rubicundis fontibus cum albentes comas serici doctus moderator intinxerit, habere debet corporis purissimam castitatem: quia talium rerum secreta refugere dicuntur immunda. Hæc si omnia constiterunt, si in nullâ parte prætermissa videatur esse solennitas; miramur, tua te pericula minimè cogitasse: dum sacrilegii sit reatus, negligentia, in tali veste peccare. Quid enim agunt tot artifices, tot nautarum catervæ, tot familiæ rusticorum? Tu quoque Comitivâ subvectus tantis jubes, tantâ te istius nominis præsumptione defendis; ut cum regale opus crederis agere, in multis videaris tuis civibus imperare. Hoc ergò remissio tua negligit, quod te in provincia subvexerat, & ad conspe-

conspēctum Principis honorabilem venire faciebat? Quòd si te facultatis tuæ adhuc cura non deserit, si te salutis propriæ tangit affectus, infra illum diem imminente tibi harum portitore, cum blattâ, quam nostro cubiculo dare annis singulis consuevisti, venire festina. Quia jam non compulsorem ad te mittimus, sed ultorem, si aliquâ credideris ludificatione tardandum. Verùm talis tantaque res, quàm facili legitur inventa compendio? Nam cùm fame canis avida in Tyrio litore projecta conchilia impressis mandibulis contudisset, illa naturaliter humorem sanguineum defluentia, ora ejus mirabili colore tinxerunt: & ut est mos hominibus, occasiones repentinas ad artes ducere, talia exempla meditantes fecerunt Principibus decus nobile dare, quod substantiam noscitur habere mediocrem. Eoa Tyros est Hydron Italica, aulicum profectò vestarium, non antiqua custodiens, sed jugiter novella transmittens. Vide ergò, si quis te patiatur minùs implere, quod nos tam necessariò cognoscis expetere.

I M P E R A T O R E S

GRATIANVS, VALENTINIANVS, ET THEODOSIVS
FAVSTO COMITI SACR. LARGITIONVM.

Cod. Quæ res venire non possunt.

F V C A N D Æ, atque distrahendæ Purpuræ, vel in serico, vel in lanâ, quæ Blatta, vel Oxobapta, atque Hyacinthina dicitur, facultatem nullus possit habere privatus. Sin autem aliquis supradicti muricis vellus vendiderit, fortunarum suarum, & capitis sciat se subiturum esse discrimen.

A R I S T O T E L E S,

LIBRO V. DE HIST. ANIMALIVM.

M V L T A Purpurarum genera sunt: quædam magnæ, ut ad Sigæum, & Lectum; aliæ parvæ, in Euripo, & ad Cariam. Pelagiæ verò, & magnæ & scabræ sunt; quarum plurimæ florem sanguinis nigricantem habent, nonnullæ aliquantum rubescentem. E magnis quædam etiam minam pendunt. Quæ in lit-
toribus & circa maris oras reperiuntur, parvæ quidem sunt, sed flore rubro. Aquiloniæ, nigrae ut plurimum sunt; Austrinæ verò, rubrae.
Florem

Florem suum inter papaver & collum continent, texturâ densâ, colore candidæ membranæ, quæ ablata & compressa manum tingit. Tractus ejus, tanquàm venæ est. Hoc ipse flos videtur esse; reliqua, concretio, quasi aluminis. Cùm favos construunt, deterrimus flos est. Parvæ tundi cum testis debent: difficulter enim sanguis secernitur. Collum igitur à papavere leparari solet; quorum in medio flos est, supra eam partem, quam ventrem vocant. Quare separato flore, illa quoque separari necessum est. Præcipuè curandum, ut vivæ tundantur: nisi enim priùs fregeris, quàm exspirent, florem omnem simul cum vitâ evomunt.

In pastum prodeunt, linguâ de testâ exsertâ, cujus longitudo, digiti excedit. Hac pascuntur: hac & conchas, & sui generis testas perforant. Tam Purpura, quàm buccinum diu vivunt. Purpura enim ad annum usque sextum. Manifestum verò quotannis incrementum ex testæ tortuosis intervallis deprehendas.

PVRPVRÆ florem illum, tingendis expectitum vestibus, in mediis habent faucibus. Liquoris hîc minimi est candida vena, unde pretiosus ille bibitur nigricantis rosæ color subluces. Reliquum corpus sterile. Vivas capere contendunt, quia cum vitâ succum evomunt.

Purpuræ fasces secureſque Romanæ viam faciunt: idemque pro majestate pueritiæ est: distinguit ab equite Curiam: Diis advocatur placandis, omnemque vestem illuminat: in Triumphali miscetur auro. Quapropter & excusata Purpuræ sit insania.

Lingua Purpuræ longitudine digitali, quâ pascitur perforando reliqua conchilia: tanta duritia aculeo est.

Purpura clavata est ad turbinem usque, aculeis in orbem septenis ferè, qui non sunt buccino: sed utrisque orbes totidem, quot habeant annos.

Laus ei summa, color sanguinis concreti,
nigricans

A V S T R I A C A. 151

nigricans aspectu , idemque suspectu refulgens. Vnde Homero purpureus dicitur sanguis.

CAPITE XXXIX.

PURPURÆ usum Romæ semper fuisse video, sed Romulo in trabeâ. Nam togâ Prætextâ , & latiore clavo Tullum Hostilium è Regibus primùm usum, Hetruscis devictis, satis constat.

Dibapha tunc dicebatur, quæ bis tincta esset , veluti magnifico impendio , qualiter nunc omnes pænè commodiores Purpuræ tinguntur.

I S I D O R V S.

LITTERARVM usum primi Phœnices reppererunt. Hinc est, quòd Phœnicio colore librorum capita describuntur ; quia ab ipsis litteræ initium habuerunt.

V I T R V V I V S

L I B. VII. C A P. XIII.

INCIPIAM nunc de Ostro dicere, quod & carissimam , & excellentissimam habet aspectûs suavitatem. Id autem excipitur ex
conchy-

conchylio marino, è quo Purpura inficitur, cujus non minores sunt, quàm cæterarum naturæ rerum considerantibus admirationes; quòd habet non in omnibus locis, quibus nascitur, unius generis colorem, sed Solis cursu naturaliter temperatur. Itaque quod legitur Ponto & Galliâ, quòd hæ regiones sunt proximæ ad Septentrionem, est atrum; progredientibus inter Septentrionem & Occidentem, invenitur lividum. Quod autem legitur ad æquinoctialem Orientem & Occidentem, invenitur violaceo colore. Quod verò meridianis regionibus excipitur, rubrâ procreatur potestate, & ideo hoc rubrum Rhodo etiam insulâ creatur, cæterisque ejusmodi regionibus, quæ proximæ sunt Solis cursui. Ea conchylia cum sunt lecta, ferramentis circascinduntur, è quibus plagis Purpurea sanies uti lacryma profluens, excussa in mortariis terendo comparatur, & quod ex concharum marinarum testis eximitur, ideo ostrum est vocitatum. Id autem propter salsuginem citò fit siticulosum, nisi mel habeat circumfusum.

CAP. XIV.

FIUNT etiam Purpurei colores infectâ cretâ rubiæ radice, & hysgino: non minùs
&

& ex floribus alii colores. Itaque tinctores, cū volunt sil Atticum imitari, violam aridam conjicientes in vas, cum aquâ confervescere faciunt ad ignem: deinde cū est temperatum, conjiciunt in linteum, & inde manibus exprimentes, recipiunt in mortarium aquam ex violis coloratam, & ex eâ Eretriam infundentes, & eam terentes, efficiunt silis Attici colorem. Eādem ratione vaccinium temperantes, & lac miscentes, Purpuram faciunt elegantem. Item qui non possunt chryfocollā propter caritatem uti, herbā, quæ luteum appellatur, cæruleum inficiunt, & utuntur viridissimo colore. Hæc autem infectiva appellantur. Item propter inopiam coloris Indici, cretam selinusiam, aut annulariam, vitrumque, quod Græci *ὑάλον* appellant, inficientes, imitationem faciunt Indici coloris.

IVLIVS POLLVX,

LIB. I. ONOMASTICI, CAP. IV.

PHOENICES Purpuram hoc modo capiunt, lanamque tinctam, quodam quasi flore micantem exhibent. Funem longum validumque complicant, qui per mare transeat.

Ex hoc deinde vasa quædam, è scirpo funibusque contexta, certo quodam ordine ac intervallo, tintinnabulorum instar, suspendunt; quorum ingressus quidem sit patulus, regressus verò prorsus impeditus, & obstructus. Ea escis impleta Piscatores inter saxosa loca demittunt, funem à silice, ut capta animalia sustineat, suspendentes. Dato capturæ noctis, & nonnunquam diei spatio, vasa, conchis impleta, subtrahunt: testas contundunt, & carnem ad tingendum liquefacientes, sordibus cunctis aquâ elutis, in cortinâ excoquunt. Caterùm sanguis hic conceptis ignis viribus fervet, florerque; & alius quidem colorem flammeum, alius fumosum, alius alium trahit, ac repræsentat. Cùm autem remiseris, omnia hæc sanguini commixta, ad tincturam eandem faciunt. Inprimis verò Sole Purpura gaudet. Ætherei enim ignis radio perfusa, augustior splendidiorque redditur.

GVIDO PANCIROLVS,

Qui unus inter novos Purpuram antiquam brevissimè explicat.

LIB. I. RERVM MEMORABILIVM.

EARVM rerum, quæ hodie non reperiuntur, imprimis notatu digna est PURPURA, primum inter colores locum obtinens, & quasi Rex eorum existens. Eâ ipsâ olim Regum, Magistratuum & Senatorum vestes tingebantur. Originem igitur hujus exposituri, dicimus Purpuram fuisse ex conchyliorum genere, quod intrinsecus animatam continebat carnem, & in mediis faucibus candidissimam habebat venam: quâ exsectâ, pretiosus ille promanabat cruor, quo lanæ & Purpurea serica ad vestes inde contexendas tingebantur. Crediderim, conchylium istud etiamnum hodie inveniri quidem, quandoquidem species planè non intereunt; nullum tamen ipsius usum futurum: cum nemo sit, qui venæ illius eximendæ modum sciat. Coquebatur sanguis iste unâ cum venâ prius apertâ, in vasis plumbeis, adjectâ tamen aquâ modico vapore, & longinquæ fornacis cuniculo.

156 PURPURA AVSTRIACA.

Inde splendidus ille, & quasi intermedius inter rubrum & nigrum eliciebatur color, qui gariophylli est: nec enim ullum alium similiorem huic puto. Erat & alia coloris species, quem puniceum sive hyacinthium dicebant. Amissæ autem Purpuræ causam hanc esse opinor, quòd Syria, & alia quoque loca, in quibus illa deprehendebatur, in Turcarum, Barbarorum, & incultorum hominum manus devenêre.

COROL-

COROLLARIUM

M. VAL. MARTIALIS CONSTITVAT,
MVSAS INTERPELLANS;

LIB. V. EPIGRAMMATE VI.

*Vt earum rogatu Parthenius, Cubicu-
lariorum Praefectus, facilem libro
Purpureo, qui Domitiano offerendus
erat, aditum aperiat.*

BONVM FACTVM.

Q^{VIA} & mihi Parthenium, id
est, Musarum delictum,
apud Optimum, Clementissi-
mum, & Domitiano dissimilli-
mum Principem FERDINANDVM
habere contigit; faciam, quod
Martialis fecit; & Phaleucis,
quos fecit. Librum, inquam,

V 3 Purpurâ

Purpurâ ornatum, ipsamque
adeò, rogantibus Musis, favente
Parthenio, Purpuram, Principi
Purpureo, AVSTRIACAM AVSTRIA-
co, per mollia fandi tempora, of-
feram: tantò liberiùs, quantò sub
ipsâ Purpurâ verecundiæ rubor
faciliùs abscondetur. Si repre-
hensione tamen dignus videor,
exemplo, olim laudabili, peccavi.

* Sucto-
nius Cubi-
culo Præ-
positum
appellat.

* Filius
Parthenii:
de quo lib.
IV. epigr.
XLIV.

* Domi-
tiani.

Si non est grave, nec nimis molestum,
Musæ, * Parthenium rogate vestrum:
Sic te serior, & beata quondam
Salvo Principe finiat senectus,
Et sis invidiâ favente felix,
Sic * Burrus citò sentiat parentem:
ADMITTAS timidam, brevemque chartam
Intra limina sanctioris aulæ.
Nosti tempora tu * Iovis sereni,
Cum fulget placidus, suoque vultu,
Quo nil supplicibus solet negare.
Non est, quòd metuas preces iniquas:
Nunquam grandia, nec molesta poscit,

Quæ

Quæ cedro decorata, PURPVRAQUE,

* RVBRIS pagina crevit umbilicis.

* Pro Ni-
gris.

Nec porrexeris ista, sed tenero,

Sic, tanquàm nihil offeras, agasque.

Si novi Dominum novem Sororum,

Vltro PURPVREVM petet LIBELLVM.

FINIS.

AD LECTOREM.

*Maculam in Purpurâ quâ ferat p. Pag. 27. lin. 1. lege, Purpureâ.
Pag. 46. lin. 5. distingue, quæ Regia est, Sacra docet. Pag. 76. lin. 5.
lege, quâdam. Pag. 96. lin. 11. illius. Pag. 141. lin. 1. belli discrimina.
Siquid præterea, Lector, occurret, humanitati tue committimus.*

CENSURA.

HÆC *Purpura Austriaca nihil ha-
bet, aut à fide, aut à moribus alie-
num; digna verò est, ut prælo subjicia-
tur, & lucem aspiciat. Datum Lovan-
nii 18. Decemb. 1634.*

ANTONIUS LOVERIUS S. T. L.
Apostolicus & Regius Librorum
Censor.

SVM-

SVMMA PRIVILEGII
REGIS CATHOLICI.

PHILIPPVS Dei gratiâ Hispaniarum, &c.
Rex Catholicus, Diplomate suo sanxit,
Nequis ERYCI PVTEANI, Consilarii, & Hi-
storographi, nec non Professoris sui in Acade-
miâ Lovaniensi, PVRPVRAM hanc AVSTRIA-
CAM, præter ipsius voluntatem, vel typis suis
excudat, vel alibi excusam, in has Germaniæ
Inferioris ditiones venalem inferat. Qui secus
faxit, præter exemplarium confiscationem, aliâ
gravi pœnâ mulctabitur: uti latius patet in lit-
teris, datis Bruxellæ, 23. Decemb. M.DC.XXXIV.

Signat

I. A. COOLS.

C A V T I O

AB AVCTORE TYPOGRAPHO FACTA.

VTOR Privilegio, quod à Catholico mihi Rege nuper
concessum est, & potestatem tibi, IOANNES CNOB-
BARE, bonâ fide facio, PVRPVRAM hanc AVSTRIA-
CAM typis tuis excudendi ac divulgandi. In me, in te, in
Regem utrumque peccabis, si quis alius editionem molietur,
aut exemplaria inferet.

ERYCIUS PVTEANVS,

BAMELRODIVS.





2VI
F41

BIB